

千金翼方



唐孫真人著



千金翼方



北京中医药大学图书馆藏

民國元年春
益元子局刊



重刻千金翼方序

天有陰陽風雨晦明之氣人有喜怒哀樂好惡之情節而行之則和平調理專壹其情則溺而生疾是以神農氏味草木之滋察寒溫平熱之性辨君臣佐使之宜嘗一日遇七十毒神而化之遂作方書周官醫師之職掌聚諸藥物凡有疾者治之是其事也顧自晚周漢魏以來若和緩秦越人華元化輩其所著述雖史書經籍志或舉其目而後人則不少概見豈非藝有獨絕故靳之而不傳於後世歟唐孫思邈著千金方又更撰千金翼方三十卷世傳其拯昆明池龍胡僧之難得龍宮方三十首散見於三十卷中宋仁宗嘗命儒臣校正醫書高保衡等以翼方



排類進御今千金方自宋元明以來多有刻本而翼方則傳之者絕少因購得佳刻重刊而行之按思邈生宗文周時隋文帝輔政以國子博士召不拜唐太宗召詣京師年已老而視聽聰瞭太宗嘆以爲有道者欲官之不受卒時年百餘歲遺令薄塋而世則以思邈爲真人以爲於永惇初元尸解開元中復有見之於終南山者余觀思邈對盧照鄰之言曰心爲君故欲小膽爲將故欲大仁者靜地之象故欲方智者動天之象故欲圓又曰養性必先知自慎慎以畏爲本若是則思邈誠爲知道者而以其方書貽天下後世俾人人可以養生可以盡年故新唐書不以入方技而列諸隱逸洵乎史氏之特識也如以能吐故納

新仙去不死則於其著書壽世之心反隱矣故於是刻之成也
發此義以弁諸簡端時

乾隆二十有八年癸未五月金匱華希閱費園氏書

序

醫書不經秦火而上古禁方流傳於世者無一焉今獨張仲景
方最古其次莫如孫真人千金方如是止矣真人以應化聖賢
現神仙身行良醫事其所著書抉元扃傾秘笈宜不涉世情一
字顧房中補益篇稍類泥水而婦人左腎膀胱兩部中雜出淫
媾不典之方於養生濟物無當也疑爲後人附益非真人手澤
後獲千金翼方於故友徐士彰諫議家則前所疑者悉無有而



千金翼方卷之九
釋氏元門千金不傳之秘前書所不及者往往而是於是益知
此爲真人晚年定本其視前書一出一入何止集字千金而已
按仙傳拾遺及宣室志記真人以永淳初元尸解開元中復有
人見隱於終南山與宣律師往還因拯昆明池龍胡僧之難得
龍宮方三十首且感神人之誠去千金方藥之害物命者以草
木代之作千金翼三十篇每篇有龍宮仙方一首今按服水法
中有云武德中龍齋此卷授余則得龍宮方非尸解後明甚然
亦可以證龍宮方之實有而非好事者寓言也方中時有用物
命者豈亦後人附益耶抑傳者妄也千金方收入道藏今關中
江右皆有刻乃至宋元刻本藏書家多有之而獨翼方不大傳

道藏亦不載世多有不聞其名者豈世人業重仙真秘之神物
呵禁不容妄窺耶三從子廷鑑以母病欲刻醫書冀獲冥祐請
於余余以此書授之而表弟孫仲來助余校訂尤力苦無宋本
讐校其烏焉帝虎之譌灼然無疑者然後改正不然寧仍其舊
以俟他日得宋刻善本而更之故論不可讀者時有同好幸無
訝焉得者當起殷重心生難遭想心真人之心行真人之行而
後可以居真人之方其爲真人不難矣此則余與廷鑑刻是書
意也時萬曆乙巳十月八日余以謝諸公之枉弔先慈者舟抵
武林德勝壩大雨不可登岸蓬窗繼閨無聊而廷鑑遣使來告
書成且徵序因書以歸之念西居士王肯堂字泰甫

校正千金翼方敘

臣聞醫方之學其來遠矣上古神農播穀嘗藥以養其生黃

岐伯君臣問對垂於不刊爲萬世法中古有長桑扁鵲漢有

慶倉公張機華佗晉宋如王叔和葛稚川皇甫謐范汪胡洽深

師陶景之流凡數十家皆師祖農黃著爲經方迨及唐世孫思

邈出誠一代之良醫也其行事見諸史傳撰千金方三十卷辯

論精博囊括眾家高出於前輩猶慮或有所遺又撰千金翼方

以輔之一家之書可謂大備矣其書之傳於今訛舛尤甚雖洪

儒碩學不能辨之仁宗皇帝謂儒臣校正醫書臣等今校定

千金翼方謂乎物之繁必先得其要故首之以藥錄纂要凡治

病者宜別藥之性味故次之以本草人之生育由母無疾故次之以婦人疾病之急無急於傷寒故次之以傷寒然後養其少小故次之以小兒人身既立必知所以自養故次之以養性養性者莫善於養氣故次之以辟穀氣之盈乃可安閒故次之以退居退居者當時補養故次之以補益若補養失宜則風疾乃作故次之以中風風者百病之長邪氣緣而畢至故次之以雜病又次之以萬病愈諸疾者必資乎大藥故次之以飛鍊乳石性堅久服生熱故次之以瘡癰眾多之疾源乎脈證故次之以色脉色脉既明乃通腧穴故次之以鍼灸而禁經終焉總三十卷目錄一卷臣以為晉有人欲刊正周易及諸藥方與祖訥論

祖云辨釋經典縱有異同不足以傷風教至於湯藥小小不達
則後人受弊不少是醫方不可以輕議也臣等不敢肆臆
加塗鼠取自神農以來書行於世者而質之有所未至以
者書成繕寫將預聖覽恭惟皇帝陛下天縱深仁孝述前
烈刊行方論拯治生頭牌天下家藏其書人知其學皆得爲忠
孝亦皇風之高致焉太子右贊善大夫臣高保衡尙書都官員
外郎臣孫奇太常少卿充秘閣校理臣林億等謹上

千金翼方叙

原夫神醫秘術至顯參於道樞寶餌凝靈宏功浹於真眡是知
關籥玄牡駐歷之效已深轡策天機全生之德爲大稽炎農於
紀錄資太乙而反營魂鏡軒后於遺編事岐伯而宣藥力故能
嘗味之績鬱騰天壤診體之教播在神寰斯道由是濫觴時義
肇基於此亦有志其大者高密問紫文之術先其遠者伯陽流
玉冊之經擬斯壽於乾坤豈伊難老儔厥齡於龜鶴詎可蠲疴
茲乃大道之真以持身抑斯之謂也若其業濟含靈命懸茲手
則有越人徹視於肺腑秦和洞達於膏肓仲景候色而驗眉元
化剗腸而瀉胃斯皆方軌疊跡思韞入神之妙極變探幽精超



絕代之巧晉宋方技既其無繼齊梁醫術曾何足云若夫醫道
之爲言實惟意也固以神存心手之際意析毫芒之裡當其神
之所得口不能言數之所在言不能諭然則三部九候乃經絡
之樞機氣少神餘亦鍼刺之鈞軸況乎良醫則貴察聲色神工
則深究萌芽心考錙銖安假懸衡之驗敏同機駭曾無挂髮之
淹非天下之至精其孰能與於此是故先王鏤之於玉板往聖
藏之以金匱豈不以營疊至道括囊貞頤者歟予幼智淺聞老
成無已才非公幹夙嬰沈疾德異士安早纏疴瘵所以志學之
歲馳百金而徇經方耄及之年竟三餘而勤藥餌酌華公之錄
帙異術同窺採葛生之玉函奇方畢綜每以爲生者兩儀之大

德人者五行之秀氣氣化則人育伊人稟氣而存德合則生成
是生由德而立既知生不再於我人處物爲靈可幸蘊靈心闕
頤我性原者由檢抑神秘幽求今古撰方一部號曰千金可以
濟物攝生可以窮微盡性猶恐岱山臨日必昧秋毫之端雷霆
在耳或遺玉石之響所以更撰方翼三十卷共成一家之學譬
輓軌之相濟運轉無涯等羽翼之交飛搏搖不測矧夫易道深
矣孔宣繫十翼之辭玄文奧矣陸續增玄翼之說或沿斯義述
此方名以貽厥子孫永爲家訓雖未能譬言中庶比潤上池亦
足以慕遠測深稽門叩鍵者哉倘經目於君子庶知予之所志

焉

重刻孫真入千金翼方綱目

卷一 凡五類

藥錄彙要 凡四類

卷二 凡四類

本草上 凡七類

卷三 凡六類

本草中 凡六類

卷四 凡五類

本草下 凡五類

卷五 凡九類

婦人方一 凡八類

卷六 凡七類

婦人方二 凡七類

卷七 凡六類

婦人方三 凡七類

卷八 凡三類

婦人方四 凡三類

卷九 凡九類

傷寒方上 凡九類



Keio University School of Oriental Medicine Library

卷十

傷寒方下

退居 凡七類

卷十一

小兒方

卷十五
補益 凡六類

眼等七竅病方 凡十類

卷十二

養性 凡四類

卷十七

中風上 凡六類

卷十三

辟穀 凡五類

卷十八

中風下 凡四類

卷十四

卷十九

雜病上 凡六類



雜病中 凡八類

瘡癰下 凡十類

卷二十

卷二十五

雜病下 凡八類

色門 凡七類

卷二十一

卷二十六

萬病方 凡四類

鍼灸上 凡十類

卷二十二

卷二十七

飛鍊 凡四類

鍼灸中 凡十類

卷二十三

卷二十八

瘡癰上 凡九類

鍼灸下 凡十類

卷二十四

卷二十九



禁經上 凡十一類

卷三十

禁經下 凡十一類

已上一十八門 二百一十三類

千金翼方綱目



千金翼方卷第一

藥錄纂要

宋朝奉郎守太常少卿充秘閣校理林億等校正

明翰林院檢討國史纂修官王肯堂重校

內閣撰文中書舍人加四級金匱華希閱校刻

採藥時節第一 藥名第二 藥出州土第三

藥用處方第四

採藥時節第一

論曰夫藥採取不知時節不以陰乾暴乾雖有藥名終無藥實故不依時採取與朽木不殊虛費人功卒無效益其法雖具大經學者尋覽造次難得是以甄別即目可知耳



北京中医药大学图书馆版权所有

菱蕤 立春後採陰乾

白英 春採葉夏採莖秋採花冬採根

絡石 正日採

菊花 正月採根三月採葉五月採莖九月採花十一月採實皆陰乾

藁本 二月二十日採

飛廉 正月採根七月採花陰乾

通草 正月採陰乾

女苑 正月二十日採陰乾

蒴藿 春夏採葉秋採莖冬採根

柏葉 西時各依方而採陰乾

茗 春採

烏頭烏喙 正月二月採春採為烏頭冬採為附子八月月上旬採良陰乾

桃梟 正月採

枸杞 春夏採葉秋採莖實冬採根陰乾

朮 二月三月八月九月採暴

天門冬 二月三月七月八月採暴

麥門冬 二月三月七月八月採陰乾

黃精 二月採陰乾

乾地黄 二月八月採陰乾

薯蕷 二月八月採暴

甘草 二月八月採暴乾十日成

人參 二月四月八月月上旬採暴乾

牛膝 二月八月十月採陰乾

細辛 二月八月採陰乾

獨活 二月八月採暴

升麻 二月八月採暴乾



笑胡 二月八日 採暴

巴戟天 二月八月 採陰乾

黃連 二月八月 採暴

黃耆 二月八月 採陰乾

當歸 二月八月 採陰暴

枯藁 二月八月 採根 暴三十日成

前胡 二月八月 採暴

狗脊 二月八月 採暴

白芷 二月八月 採暴

牡丹 二月八月 採陰乾

龍膽 二月八月十一日 採陰乾

白蒿 二月 採

沙參 二月八月 採暴

杜若 二月八月 採暴

秦艽 二月八月 採暴

石龍芮 五月五日 採子 八月 採皮 陰乾

知母 二月八月 採暴

藜蘆 二月八月 採暴

紫苑 二月三月 採陰乾

防己 二月八月 採陰乾

防風 二月十日 採暴

玉不留仁 二月八月 採

茜根 二月三月 採暴

芍藥 二月八月 採暴

石韋 二月 採陰乾

菝葜 二月八月 採暴

百合 二月八月 採暴

地榆 二月八月 採暴

地榆 二月八月 採暴



莎草根 二月八日採

大黃 二月八日採火乾

桔梗 二月八日採暴

甘遂 二月採陰乾

赭魁 二月採

天雄 二月採陰乾

實眾 二月八月採陰乾

虎掌 二月八月採陰乾

白斂 二月八月採暴

羊桃 二月採陰乾

狼毒 二月八月採陰乾

鬼臼 二月八月採

茯苓 二月八月採陰乾

桂 二月八月十日採陰乾

杜仲 二月五月六月九月採

商陸 二月八月採日乾

丁香 二月八月採

榆皮 二月八月採皮暴

猪苓 二月八月採陰乾

秦皮 二月八月採陰乾

監葉 二月三月採暴大草無

石南 二月四月採葉八月採實陰乾

赤箭 三月四月八月採暴

防葵 三月三日採暴

芎藭 三月四月採暴

徐長卿 三月採

黃芩 三月三日採陰乾

大青 三月四月採陰乾

玄參 三月四月採暴

苦參 二月八月十日採暴



杜蘅 三月三日 採暴

紫草 三月 採陰乾

白薇 三月三日 採陰乾

紫參 三月 採火乾

澤蘭 三月三日 採陰乾

王瓜 三月 採陰乾

垣衣 三月三日 採陰乾

艾葉 三月三日 採暴

水萍 三月 採暴

芫花 三月三日 採陰乾

澤漆 三月三日 七日 採陰乾

藜蘆 三月 採陰乾

羊躑躅 三月 採陰乾

茵芋 三月三日 採陰乾

射干 三月三日 採陰乾

青箱子 三月 五月 六月 採莖葉陰乾

桑上寄生 三月三日 採陰乾

紫葛 三月 八月 採日乾

白附子 三月 採

厚朴 三月 九月 十月 採陰乾

蕪荑 三月 採陰乾

黃環 三月 採陰乾

烏芋 三月 三日 採暴

桃花 三月三日 採陰乾

遠志 四月 採陰乾

葇蕒子 四月 五月 採暴

景天 四月 四月 七月 採陰乾

蒲黃 四月 採

蘭草 四月 五月 採



薜蘿 四月五月採暴

白頭翁 四月採

夏枯草 四月採

鼠尾草 四月採葉七月採花陰乾

溲疏 四月採

菖蒲 五月十月採陰乾

澤瀉 五月六月八月採葉九月採實

卷柏 五月七月採陰乾

車前子 五月五日採陰乾

芫薺子 五月採

肉蓯蓉 五月五日採陰乾

石龍芻 五月七月採暴

丹參 五月採暴

天名精 五月採

蛇床子 五月陰乾

茵陳蒿 五月及立秋採陰乾

旋花 五月陰乾

葛根 五月採暴

酸漿 五月陰乾

蠶寶 五月陰乾

大小薊 五月採

葶草 五月採實

旋復花 五月日乾

鳶尾 五月採

半夏 五月八日採暴

葶苈子 五月採

蜀漆 五月陰乾

蘭茹 五月陰乾

篇蓄 五月陰乾



生漆 夏至後採

蕤核 五月六月採日乾

郁李根 五月六月採日乾

梅實 五月採火乾

葫 五月五日採

紫芝 六月八月採

昨葉何草 夏採日乾

石斛 七月八月採陰乾

薇銜 七月採

海藻 七月七日採暴

五加皮 五月七月採莖 十月採根陰乾

松蘿 五月採陰乾

欒華 五月採

杏核仁 五月採

蒜 五月五日採

茅根 六月採

松脂 六月採

蒺藜子 七月八月採暴

麻黃 立秋採陰乾

陸英 立秋採

莽草 五月採陰乾

覆盆子 五月採

紫萸 五月五日採

青囊 五月採本草無

蕘花 六月採陰乾

五木耳 六月採暴乾

續斷 七月八月採陰乾

瞿麥 立秋採陰乾

茵桂 立秋採



槐實 七月七日十日
月巳日採暴

水蘇 七月
採

蒼實 八月九月
採日乾

漏蘆 八月
陰乾採

敗醬 八月
採

蛇含 八月
陰乾採

屋遊 八月九月
月採

酸棗 八月
陰乾採

衛矛 八月
陰乾採

雷丸 八月
採暴

桃核 七月
陰乾採

麻蕒 七月七月
日採

薏苡仁 八月
根無時採實

常實 八月九月
採陰乾

恒山 八月
陰乾採

藿菌 八月
陰乾採

女青 八月
陰乾採

楮實 八月九月
採日乾

巴豆 八月
陰乾採

大棗 八月
採暴

瓜蒂 七月七日
採陰乾

腐婢 七月
陰乾採

地膚子 八月
採陰乾

五味子 八月
陰乾採

牙子 八月
採暴

連翹 八月
陰乾採

牡荊實 八月九月
採陰乾

秦椒 八月九月
採

蜀椒 八月
陰乾採

藟實 八月
採



鷄頭實 八月 採

白瓜子 八月 採

菟絲子 九月 採暴

葶草 九月 採

乾薑 九月 採

松實 九月 採

辛夷 九月 採暴

枳實 九月 採陰乾

山菜萸 九月 採陰乾

栗 九月 採

吳茱萸 九月 採陰乾

梔子 九月 採暴

皂莢 九月 採陰乾

荏 九月 採陰乾

麻子 九月 採

大豆 九月 採

菴藟子 十月 採陰乾

決明子 十月 採陰百日

雲實 十月 採暴

貝母 十月 採暴

女貞 立冬 採

橘柚 十月 採

款冬花 十一月 採陰乾

棘刺 冬至後一百 採

萹實 十一月 採

忍冬 十二月 採陰乾

大戟 十二月 採陰乾

木蘭 十二月 採陰乾

冬葵子 十二月 採

白鮮 四月 五月 採陰乾



葶藶 立夏後採陰乾

論曰凡藥皆須採之有時日陰乾暴乾則有氣力若不依時採之則與凡草不別徒棄功用終無益也學者當要及時採以

大藥名第二

論曰有天竺大醫耆婆云天下物類皆是靈藥萬物之中無一物而非藥者斯乃大醫也故神農本草舉其大綱未盡其理亦猶咎繇創律但述五刑豈卒其事且令後學者因事與法觸類長之無窮竭則神農之意從可知矣所以述錄藥名品欲令學徒知無物之非藥耳

玉泉
玉屑
丹砂
空青
綠青
曾青

白青
扁青
石膽
雲母
朴硝
硝石

芒硝
滑石
鍾乳石
紫石英
礬石
馬齒礬 綠礬 黃礬 青礬

白石英
五石脂
禹餘糧
太餘糧 乙餘糧
紫禹餘糧
石黃子

金屑
銀屑
水銀
永粉 附
黃禹餘糧
雄黃
雌黃

殷孽
孔公孽
石腦
石硫黃
熏黃
陽起石

凝水石
石膏
磁石
玄石
理石
長石

膚青
石黛
鐵落
鐵
生鐵
剛鐵

鐵精
鐵漿
食鹽
光明鹽
綠鹽
蜜陀僧

桃花石
珊瑚
石花
乳牀
青琅玕
特舉石

礬石 握雪礬石 方解石 蒼石 土陰孽 代赭

鹵鹹 大鹽 戎鹽 青鹽 赤鹽 白礬

鉛丹 錫粉 錫錫鼻 銅弩牙 金牙 石炭

冬灰 炭 鍛竈灰 伏龍肝 東壁土 半天河

地漿 礶砂 薑石 赤銅屑 銅礦石 銅青

資白瓦屑 烏古瓦 石鷄 梁上塵 不灰木 青芝

赤芝 黃芝 白芝 黑芝 紫芝 赤箭

天門冬 麥門冬 木 女萎 蕤 黃精 乾地黃

葛蒲 遠志草小 澤瀉附葉實 薯蕷 菊花 甘草

人參 石斛 牛膝 卷柏 細辛 獨活



升麻

柴胡

防葵

薯蕷

菴藷子

薏苡仁

車前子

附葉

葇荇子

芫蔚子

木香

龍膽

兔絲子

巴戟天

白英

白蒿

肉蓯蓉

地膚子

忍冬

蒺藜子

防風

附葉

石龍芻

絡石

千歲蘘

黃連

沙參

丹參

王不留仁

藍寶

景天

天名精

蒲黃

香蒲

附根

蘭草

決明子

芎藭

蘼蕪

續斷

雲實

黃耆

徐長卿

杜若

蛇牀子

茵陳蒿

漏蘆

茜根

飛廉

營實

薔薇根

薇銜

五味子

旋花

白兔藿

鬼督郵

白花藤

當歸

秦艽

黃芩

芍藥

乾薑

附生薑

藁本

附實



麻黃 附根子

葛根 汁葉附花

前胡

知母

大青

貝母

栝蘘 實莖葉附

玄參

苦參

石龍芮

石韋

狗脊

葶藶

拔藁

通草

瞿麥

敗醬

白芷

杜蘅

紫草

紫苑

白蘚皮

白薇

藁耳

茅根

百合

酸醬

紫參

女萎

澤蘭

淫羊藿

蠡實 花葉附

款冬花

牡丹皮

防己

女苑

地榆

王孫

爵牀

白前

百部根

王瓜

薺苳

高良薑

馬先蒿

蜀羊泉

積雪草

惡實

莎草

大小薊

垣衣

艾葉

水律

海藻

昆布

葑草

陟釐

薺草

烏葵

鱧腸



井
中
芎藭
附
芎藭

百脉根

蘿摩子

白藥

懷香子

鬱金

薑黃

百兩金

阿魏

大黃

桔梗

甘遂

葶藶

芫花

澤漆

大戟

薤花

旋復花

鈎吻

藜蘆

赭魁草

及己

天雄

烏頭

射罔鳥喙附

側子

附子

羊躑躅

茵芋

射干

鳶尾

貫眾

花附

半夏

田跋

虎掌

萹荩子

蜀漆

恒山

青葙子

牙子

白斂

白芨

蛇含

草蒿

藿菌

連翹

白頭翁

蘭茹

苦苣

羊桃

羊蹄

鹿藿

牛扁

陸英

蒴藋

蓋草

夏枯草

烏韭

蚤休

虎杖



石長生

鼠尾草

馬鞭草

馬勃

蛇莓

芋根

菰根

狼跋子

弓弩弦

敗天公

敗蒲席

敗船苑

屋遊

赤地利

赤車使者劉寄奴草三白草

牽牛子

猪膏莓

紫葛

草麻子

葎草

格注草

獨行根

狗活草

烏蔽莓

狶簽

狼毒

鬼臼

蘆根

甘蕉根

篇畜

酢漿草

苘實

蒲公英

商陸

女青

水蓼

角蒿

昨葉草

白附子

鶴風

魚網

馬絆繩

破扇

破故紙

甌帶灰

展鼻繩

雀麥

鬼蓋

故鞋底

麻布頭

茯苓

伏神附

琥珀

附

柏實

葉皮等附

茵桂

松脂

實葉節根花等附

牡桂

桂



杜仲

楓香脂

皮附乾漆

生漆附蔓荆實

牡荊

女貞實

桑寄生

蕤核

五加皮

丁香

藁木

辛夷

沈香

熏陸香 藿香 詹糖 雞舌香 楓香 等附

木蘭

榆皮

酸棗

槐實

枝皮 等附楮實

枸杞

蘇合香

龍眼

厚朴

猪苓

竹葉

根汁 實 澀 皮 茹 笋 附

枳實

刺 茹 附

山茱萸

吳茱萸

根附

秦皮

梔子

檳榔木

含歡木

秦椒

衛矛

紫葳

蕪荑

食茱萸

棕子木

折傷木

茗苦茶

桑根白皮

葉耳 五木耳 桑菌 等附

蜀桑根

每 始王木

松蘿

白棘

安息香

龍腦

菴摩勒

毘梨勒

棘刺花

實 棗 鐵 附

紫鈿

騏驎竭

胡桐淚

黃環



石南附實

巴豆

蜀椒

莽草

鼠李

欒華

郁李仁附根

杉材

楠材

榧實

蔓椒

雷丸

溲疏

檫樹皮

釣樟根皮白楊皮

水楊葉

欒華

小蘗

莢蕨

鈎藤

藥實根

皂莢

棟實附木

柳華葉實附

桐葉附花

梓白皮

蘇枋木

接骨木

枳椇

木天蓼

烏臼木

赤爪木

訶梨勒

楓柳皮

賈子木

大空

紫真檀

椿木葉附槁木

胡椒

橡實

無食子

楊櫨木

榭若附皮

鹽麩子

紫荊

髮髮

亂髮

人乳汁

頭垢

尿溺

龍骨白龍骨齒角等附

牛黃

麝香

馬乳

牛乳

羊乳

酥



象牙等附 熊脂附 白膠 阿膠 醍醐 底野迦

酪 犀角 麝羊角 殺羊角 鹿茸 豹肉

牛角髓胆腎心中毛耳中垢屎溺尿中豆等附 鹿脂 鹿茸 豹肉

白馬莖眼蹄齒心肝肺肉骨髻膏 虎骨膏爪肉

狗陰莖膽心腦齒血肉 麝骨肉髓 狼牙 筆頭灰

狸骨肉陰莖 兔頭骨腦肝肉 六畜毛蹄甲

鼯鼠 麋脂附 豚卵蹄心腎藏肚肺毛筋 鼯鼠

獺肝肉尿 狐陰莖五藏腸 獾膏肉胞 野猪黃 豺皮

驢屎尿乳輔 野駝脂 敗鼓皮 白鵝膏毛肉子

丹雄白雄雞白雄雞脂烏雄雞肉胆心血冠血肪肝屎白



白皮雞啄東門
上雞頭等附

雉肉 喉下白毛附

雄鵲 鵲鴿

鷓鴣屎 頭附 鴨頭

牡蠣 桑螵蛸

眞珠 秦龜

鮑魚 鮓魚

石龍子 露蜂房

蜚蟲 蜚蠊

水蛭 水馬

鷺肪 鴈肪

鷹屎白 脂鴈屎附

鷓屎 伏翼

石蜜 蜜蠟 白蠟附

海蛤 文蛤 魁蛤

龜甲 鯉魚膽 肉骨齒附

鱣魚 血附 鮓魚 黃魚膽 蝟皮

樗雞 蚱蟬 白殭蠶 木蟲

虻蟲 蟻螬 蛞蝓 蝸牛

鼈甲 肉附 鮫魚甲 肉附 烏賊魚骨

鷓鴣 鶴骨

雀卵 腦頭血屎附

天鼠屎 孔雀

蜂子 黃蜂土附

石決明

鱻魚



蟹爪

蠨蠸附

蠶子紙

鰻魚

鮫魚皮

紫貝

蝦蟇

鼃

牡鼠附肉糞

蚺蛇膽附膏

蝮蛇膽附肉

鱗鱉甲

蜘蛛

蜻蜓

石蠶

蛇蛻

蛇黃

烏蛇

蜈蚣

馬陸

蟾蜍

雀糞

鼠婦

螢火

衣魚

白項蚯蚓

蜣螂

蟹蟲

芫青

地膽

葛上長亭

馬刀

貝子

甲香

田中汁螺

豆蔻

葡萄

蓬蘽

覆盆子

大棗生棗及葉附

藕實莖

雞頭實

芡實

櫻桃

橘柚

橙葉

梅實

枇杷葉

柿

木瓜

甘蔗

砂糖

芋

烏芋

杏核仁附花實

桃核仁花梟蠹膠實葉附

本草綱目

卷一

二



梨 葉附

柰

李核仁 附根實

安石榴 附殼根

白瓜子

白冬瓜

瓜蒂

冬葵子 附根葉

苣實

苦菜

薺

蕪菁

萊菔

龍葵

苳

芥

苜蓿

荏子

蓼

葱實

薤

白蘘荷

蒸菜

蘇

水蘇

假蘇

香薷

薄荷

秦艽梨

苦瓠

水斬

馬芹子

蓴

落葵

蘩蓁

雞腸草

菝

葫

蕪

胡麻 葉附

青蘘

麻蕒 附子

飴糖

豉

赤小豆

大豆黃卷 生大豆附

大麥

穬麥

小麥

麥奴

青梁米

黃梁米

白梁米

粟米

丹黍米

藜米



秣米 陳廩米 春杵頭糠 酒 腐婢 扁豆

黍米 粳米 稻米附稻穰 稷米 醋 醬

藿豆

右六百八十種皆今時見用藥竝可收採以備急要用也

藥出州土第三

論曰按本草所出州縣皆是古名今之學者卒尋而難曉自聖唐開闢四海無外州縣名目事事惟新所以須甄明即因土地名號後之學者容易即知其出藥土地凡一百三十三州合五百一十九種其餘州土皆有不甚進御故不繁錄耳關內道

涇州

澤瀉 秦菽

防風 黃苓

延州

蕪荑

鹽州

青鹽



華州 覆盆子 柏白皮

扶苓 茯神

細辛 籠甲

水蛭 松花

遠志 澤瀉

石南 山茱萸

石韋 王不留仁

麻黃子 岐州

寒水石 及已

寧州 芫青 木蟲

靈州 代糖 野豬黃

荑蓉 狃脂

河南道

洛州 黃魚膽 黃石蛸

陝州 柏子人 括萋

杜蘅 茵芋

丹參 龜頭

白薇 小兒草

桑螵蛸 五味子

龜頭 同州

檉雞 麝髓

藜蘆 秦芫

及已 麝骨

木蟲 菴藷子

荑蓉 狃脂

野豬黃 獸狼牙

狃脂 楓柳皮

秦椒 穀州

秦椒 穀州

許州 鹿茸

天門冬 麥門冬

鬼日 白芷

小兒草 通草

桑螵蛸 草薺

五味子 麝蟲

同州 蟹螯

麝髓 秦芫

藜蘆 鬼督郵

菴藷子 芍藥

菴藷子 黃芩

獸狼牙 黃者

獸狼牙 荑蓉

秦椒 鄭州

秦椒 鄭州

許州 鹿茸

木防已 款冬花

白芷 白斂

通草 沙參

草薺 續斷

麝蟲 麻黃

蟹螯 蕪荑

秦芫 鬼督郵

藜蘆 甘草

菴藷子 芍藥

菴藷子 黃芩

獸狼牙 黃者

獸狼牙 荑蓉

秦椒 鄭州

秦椒 鄭州

許州 鹿茸

黃精 薯蕷

白斂 松蘿

沙參 兔肝

續斷 桔梗

麻黃 麻黃根

蕪荑 蒲黃

鬼督郵 蒲黃

甘草 藜蘆

芍藥 藜蘆

黃芩 秦芫

黃者 荑蓉

荑蓉 雍州

秦椒 汝州

秦椒 汝州

許州 鹿茸

白朮 牛膝

兔肝 狼牙

兔肝 玄參

桔梗 玄參

麻黃根 蒲黃

蒲黃 蒲黃

鬼督郵 蒲黃

甘草 藜蘆

芍藥 藜蘆

黃芩 秦芫

黃者 荑蓉

荑蓉 雍州

秦椒 汝州

秦椒 汝州

許州 鹿茸



栝蒌

豫州 吳茱萸 鹿茸

齊州 阿膠 防風

密州 海蛤 牛黃

萊州 牡蠣 文蛤

藺茹 七孔 決明 烏賊魚

海藻 海藻 馬刀

兗州 仙靈脾 紫石英

防風 羊石

徐州 桑寄生

防風

雲母 桃花石

泗州 麋脂 麋角

淄州 防風

沂州 紫石英

徐州 桑寄生

河東道

蒲州 龍骨 龍齒

紫參 蒲黃

石膽 龍角

五味子

絳州 防風

濕州 當歸 大黃

汾州 石龍芮 石膏

潞州 赤石脂 不灰木

白石脂 人參

澤州 人參 防風

禹餘糧 白石英

晉州 白堊 紫參

代州 柏子人

并州 白苑 甘草

鬼督郵 白龍骨

礬石

柏子人

蔚州 松子

慈州 白石脂

河北道

懷州 牛膝

相州 知母 貝母

箕州 人參

滄州 藿菌

檀州 人參



營州 野猪黃

平州 野猪黃

幽州 人參 知母

蛇膽

山南西道

梁州 小葉 芒硝

理石 皂莢

蘇子 狸脂

野豬黃 防己

鳳州 鹿茸

通州 藥子

洋州 野豬黃 恒脂

渠州 賣子木

始州 巴戟天 重臺

商州 香零皮 楓香脂

厚朴 恒山

辛夷 獺肝

熊脂 熊膽

楓香木 社仲

龍膽 莽草

菖蒲 枳實

秦椒 芍藥

金州 恒山

獺肝 枳茹

獺肉 蜀漆

莽草 枳實

枳刺

山南東道

鄧州 甘菊花 梔子花

射干 蝥蟴

蝥蟴 牡荊子

均州 菱麩

襄州 石龍芮 蜀水花

藍實 茗草

雷丸 橙葉

蝥蟴 蜈蚣

蛟鱓甲 鸕鶿頭

乾薑 乾藍

烏梅 敗醬

貝母

牽牛子 孔公孽

荊州 橘皮

夔州 橘皮

硤州 杜仲

房州 野豬黃

唐州 鹿茸

鹿茸



淮南道

揚州 蛇牀子 鹿角

白芷 鹿脂

申州 白芨

壽州 光州

蘄州

黃州

舒州 並出生 石斛

江南東道

潤州 躑躅 貝母

卷柏 鬼臼

半夏

越州 劉寄奴 榧子

婺州

睦州

歙州

建州 並出 黃連

泉州 乾薑

江南西道

宣州 半夏 黃連

饒州 黃連

吉州 陟釐

江州 生石斛

嶽州 杉木 蟬蛻

楠木 鼈甲

潭州 生石斛

郎州 牛黃

永州 石鷄

柳州 鈎樟根

辰州 丹砂



隴右道

秦州

防葵 芎藭

獸狼牙 鹿角

狼毒 鹿茸

麝蕪

成州

防葵 狼牙

廓州

大黃

蘭州

鹿角膠 鹿茸

武州

石燕 雌黃

雄黃

宕州

當歸 獨活

河西道

甘州

椒根

肅州

肉菴蓉 百脈根

涼州

大黃 鹿茸

白附子

伊州

伏翼 葵子

瓜州

甘草

西州

蒲桃

沙州

石膏

劔南道

益州

苧根 木蘭

枇杷葉 百部根

梅煎 薏苡

砂糖 蜀漆

百兩金

黃環

鬱金

薑黃

眉州

巴豆

資州

折傷木

綿州

天雄 恒山

巴戟天

乾薑

側子

嘉州

巴豆 紫葛

瀘州

菡醬

邛州

賣子木

烏頭

高良薑



扶州 芎藭 茂州 升麻 朴硝 馬齒礬 羌活 金牙 芒硝

松州 當州 並出 當歸 柘州 黃連 龍州 側子 烏頭 巴戟天 雄黃 礬石

嶺南道

廣州 石斛 下根 白藤花 甘焦根 恩州 蚺蛇膽 賀州 梧州

象州 並出 蚺蛇膽 春州 封州 瀧州 並出 石斛 桂州 蚺蛇膽 滑石

韶州 石斛 牡桂 鍾乳 柳州 鈎樟根 桂心 融州 潘州 蚺蛇胆

交州 檳榔 龍眼 三百兩銀 峰州 馬牙石 一名長石 一名太乳石 一名牛腦石 又出在齊州 歷城縣

論曰既知無物非藥及所出土地復採得時須在貯積以供時急不得虛棄光陰臨事忽遽失其機要使風燭不救實可悲哉

博學者深可思之用為備耳



用藥處方第四

論曰凡人在身感病無窮而方藥醫療有限由此觀之設處方之篇是以述其大意豈能得之萬一聊舉所全以發後學此方凡有六十五章總攝眾病善用心者所以觸類長之其救苦亦以博矣臨事據方可得依之取訣也

治風第一

當歸

秦丸

乾薑

藁本

麻黃

葛根

前胡

知母

石韋

狗脊

萆薢

杜蘅

白薇

白芷

藁耳

女萎

桔梗

大戟

烏頭

烏喙

附子

側子

天雄

躑躅



茵芋

貫眾

白芨

蒴藋

藟茹

鬼箭

磁石

石膏

天門冬

菱麩

白朮

菖蒲

澤瀉

薯蕷

菊花

細辛

獨活

升麻

菴藺

薏苡仁

巴戟天

松葉

松節

石南

蜀椒

莽草

防風

王不留

芎藭

黃芪

杜若

辛夷

牡荊子

五加皮

木蘭

枸杞

竹葉

厚朴

松實

秦皮

牡丹皮

防己

秦椒

女苑

澤蘭

竹瀝

山茱萸

吳茱萸

蒺藜子

曾青

礬石

代赭

濕痺腰脊第二



白膠

阿膠

鹿茸

鹿角

鹿脂

鷄頭

蔓荊

竹瀝

肉蓯蓉

防風

芎藭

景天

丹參

絡石

千歲藥

王不留行

蛇牀

山

漏蘆

茜根

飛廉

礬石

桔梗

芫花

旋復花

附子

側子

天雄

躑躅

茵芋

當歸

藜蘃

芍藥

乾薑

葛根

石龍芮

狗脊

草薢

菝葜

敗醬

葉耳

白蘚

蠡實

青蘘

大豆卷

石南

蜀椒

蔓荊

阜茨

天門冬

白朮

萎蕤

乾地

菖蒲

澤瀉

菊花

薯蕷

石斛

牛膝

細辛



柴胡
菴藿
薏苡仁
車前子
栝子仁
荊萸

蒟藳
桂心
杜仲
乾漆
五加皮
酸棗

續斷
枸杞
松子
天名精
桑上寄生

攣急疹曳第三

秦丸
藁本
狗脊
葶藶
通草
石南

防風
芎藭
續斷
天門冬
女萎
乾地黃

石斛
牛膝
薏苡仁
兔絲子
杜仲
乾漆

荆子
枸杞
大豆卷
天雄
附子
野葛

蒟藳

身癢癢第四

白芍
白朮
秦史
歸身
水磁
瀉黃



青琅玕 石灰 丹砂 雄黃 水銀 硫黃

牙子 白芨 鐵落 枳實 蒺藜子 莽草

柳花 蜀羊泉 水萍 防風 菌茹 羊蹄

薑草 敗醬 藜蘆 青箱 青蒿 殺羊角

蟬甲 秦苑 天鼠屎

驚癇第五

鉛丹 紫石英 白石脂 秦皮 銀屑 石

鐵精 鈎藤 款冬花 牡丹皮 白蘚皮 紫苑

女苑 栢子仁 茯苓 袂神 桔梗 蕘花

萸蓉子 蛇銜 遠志 人參 細辛 防葵



龍膽

杏仁

龍骨

龍齒

牛黃

頭髮

白芝

龍角

羊齒

羊骨

亂髮

牛齒

白馬莖

白馬蹄懸蹄

白馬齒

赤馬齒

鹿茸

牡狗齒

豚卵

狐五藏

石蜜

海蛤

蚱蟬

露蜂房

白殭蠶

蛇蛻

雀糞

蛇黃

鼠婦

蜣螂

六畜毛蹄甲

鬼魅第六

代赭

粉錫

金牙

衛矛

赤箭

銅鏡鼻

升麻

午黃

青木香

藍寶

蘼蕪

徐長卿

雲實

黃環

狸骨

獺肝

桃花

桃梟



蜈蚣

蛇膽

亭長

芫青

蟹螯

石長生

狼毒

鬼臼

商陸

躑躅

白芨

野葛

琥珀

六畜毛蹄甲

蠱毒第七

方解石

代赭

金牙

衛予

赤箭

徐長卿

升麻

瓜蒂

雷丸

紫菀

黃環

青木香

巴豆

麝香

景天

藜蘆

犀角

麝羊角

純卵

獺肝

狐莖

鶴骨

蜂房

胡
尿

鮫魚皮

白項

蚓 蚯

蛇蛻

蜈蚣

盤螿

芫青

芫花

藜蘆

野葛

榧子

猪苓

敗鼓皮



桑上亭

六畜毛蹄甲

痰實第八

淡竹葉

枳實

吳茱萸

厚朴

胡椒

檳榔

萊菔

茯苓

恆山

松蘿

旋復花

大黃

芫花

蕘花

半夏

烏頭

黃芩

前胡

巴豆

柴胡

白朮

細辛

朴硝

芒硝

固冷積聚腹痛腸堅第九

礞石

特生石

雄黃

殷孽

厚朴

曾青

戎鹽

硫黃

石膏

陽起石

理石

高良薑

朴硝

芫花

桔梗

太乙

人參

葶藶



旋復花

麥門冬

澤瀉

茯苓

吳茱萸

柴胡

蒺藜

藿茵

防葵

牡丹

薏花

海藻

肉苁蓉

丹參

莽草

巴戟天

芍藥

烏頭

麻黃

貝母

乾薑

玄參

苦參

藺茹

狼毒

大黃

附子

腹痛脹滿嘔吐第十

厚朴

竹茹

枳實

吳茱萸

檳榔

葛根

桑白皮

松蘿

橘皮

大黃

桔梗

甘遂

乾薑

大戟

藜蘆

半夏

恆山

朴硝

生薑

藁本

阿膠

禹餘糧

人參

戎鹽



胸脇滿第十一

杜若

蘭草

方解石

莎草

竹葉

厚朴

枳實

乾薑

前胡

玄參

紫苑

枳殼

桔梗

蕤花

茯苓

芫花

射干

旋復花

烏頭

半夏

恆山

人參

菊花

細辛
柴胡

補五臟第十二

大黃

五石脂

琥珀

紫苑

石韋

白石英

桔槔

石蜜

龍骨

牛髓

鹿肉

鵝肉

乾漆

栢子仁

女貞

銀屑

沙參

酸棗

五味子

枳實

菖蒲

麥門冬

乾地黄

山茱萸



澤瀉

薯蕷

人參

石斛

細辛

荊蕀

龍膽

巴戟天

牡丹

韭

貝母

蕪菁

葱白

覆盆

當歸

鍾乳

玄參

苦參

益氣第十三

玉泉

鍾乳

五石脂

白石英

栢葉

栢子仁

蘭草

續斷

茵陳

黃耆

飛廉

營實

旋花

五味子

澤瀉

薯蕷

大棗

巴戟天

牡蒙

青蘘

烏麻

枳實

赤箭

蕪菁子

苦菜

蒲桃

覆盆子

芍藥

紫草

淫羊霍

羊肉

桑螵蛸

牛髓

蠟

牛肉

鹿茸



長陰陽益精氣第十四

鹿角

猪肚

雲母粉

兔屎

兔肉

戎鹽
石蜜

羊腎

牛腎

肉蓯蓉

蓬蘽

磁石

理石

地膚子

決明子

杜若

白棘

蛇牀子

茜根

天雄

黑石脂

五味子

附子

桔蓐

玄參

石韋

石龍芮

白薇

葶藶

紫參

麥門冬

遠志

小草

薯蕷

石斛

牛膝

栢

細辛

柴胡

茯苓

車前子

芫蔚子

兔絲子

枸杞

巴戟天

杜仲

丹砂

扁青

雲母

滑石

鍾乳



補骨髓第十五

乾漆

五石脂

金屑

乾地黄

防葵

兔絲

烏麻

天門冬

青囊

貝母

淫羊藿

附子

天雄

羊腎

麋羊角

磁石

長肌肉第十六

藁本

天門冬

當歸

白芷

鱸實

白馬莖

冬葵子

垣衣

麥門冬

麻仁

乾地黄

澤瀉

薯蕷

兔絲子

石斛

甘草

女貞

五加皮

枳實

胡麻

玉泉

磁石

赤石脂

厚朴

酸棗仁

赤箭

五味子

蒲桃

桑上寄生



堅筋骨第十七

玉泉

雲母

杜仲

乾漆

枸杞

硫黃

蔓荊

絡石

磁石

戎鹽

續斷

烏麻

金屑

五加皮

酸棗仁

陰下濕癢第十八

木蘭

槐皮

五加皮

杜仲

漏蘆

蛇牀子

飛廉

陽起石

消渴第十九

曾青

滑石

紫石英

白石英

丹砂

疑水石

石膏

理石

竹筴

桑白皮

枸杞根

松脂



茯苓 馬乳 兔骨 紫參 代麥 小麥

澤瀉 赤小豆 萊菔 人參 麥門冬 蓴菜

腐婢 粟米 青粱 甘草 牡蠣 猪肚

鷄屎白 雲實 黃連 礬石 栝萸 葛根

玄參 苦參 茅根 竹根 長石 知母

菰根 生葛汁 王瓜 冬瓜 水萍 羊酪

消食第二十

白朮 桔梗 大黃 黃芩 阜莢 穡麥

大豆屑款 萊菔根 檳榔 麥門冬 吳茱萸 橘皮

小蒜 厚朴 苦參



淋閉第二十一

玉泉

石膽

芒硝

茯苓

琥珀

石燕

瞿麥

胡鷄屎

茅根

鯉魚齒

髮髮

頭髮

利小便第二十二

硝石

滑石

紫參

栝萋

百合

白石脂

海藻

榆皮

蒲黃

地膚子

山茱萸

棘仁

冬瓜

天門冬

車前子

麻子仁

茅根

赤小豆

郁李仁

冬葵子

葎草

牽牛子

牲牛尿

橘皮

棟實

長石

天名精

苦參

茵陳

秦朮

止小便第二十三



鉛丹

赤石脂

粉錫

菖蒲

玉瓜

栝藋

菝葜

牡蠣

菝根

蘆根

鷄腸草

龍膏

鹿茸

鹿角

山茱萸

鷄臍脰

明目第二十四

玉泉

丹砂

空青

紫貝

螢火

貝齒

馬珂

石膽

鍾乳

礬石

特生石

五石脂

鹵鹹

戎鹽

理石

蔓荊子

槐子

桑椹子

麩仁

地膚子

鐵精

長石

黃連

景天花

香蒲

決明子

飛廉

杜若

枳實

秦苑

合歡

秦椒

棘仁

人參

細辛

蒼實



菴藺

兔絲子

芫蔚子

枘實

烏麻

薺子

蕪菁子

蓼子

葱子

石決明

玄參

麝羊角

前胡

石龍芮

瞿麥

殺羊角

兔肝

青牛膽

狗脊

止淚第二十五

空青

曾青

蔓荊子

蕤仁

綠鹽

苦參

白芷

杜若

菊花

欒花

枘實

皂莢

芎藭

決明子

白朮

目赤痛第二十六

空青

車前子

曾青

石膽

礬石

戎鹽



荇蕒

蕤仁

薺子

欒花

鯉魚膽

藥木

石鹽

葵藜

決明子

益肝膽第二十七

空青

曾青

礬石

酸棗仁

細辛

龍膽

苦參

薺菜

黃連

補養心氣第二十八

遠志

紫石英

麋羊角

人參

補養腎氣第二十九

絡石

六畜腎

澤瀉

石南

葶藶

車前子

狗脊

栗子

沙參

白棘

玄參

黑石脂



磁石
瞿麥
粟米
石斛
鹿茸

補脚第三十

大棗
櫻桃
甘蔗
石蜜

欬逆上氣第三十一

石膽
薜蘿
蜀椒
款冬花
狼毒
桑根白皮

竹葉
女莞
白前
吳茱萸
百部根
當歸

麻黃
貝母
紫苑
白蘚皮
薺花
藜蘆

烏頭
附子
鬼臼
射干
半夏
蜀漆

菖蒲
遠志
甘草
細辛
防葵
獐脂肉

桃仁
瓜丁
杏仁
牡蠣
桂心
白石脂



羊肺 紫石英 鍾乳 硫黃 蒺藜 芫花

五味子 茯苓

下氣第三十二

鉛丹 梅實 蛇牀 石韋 水蘇 竹葉

蘇子 薄荷 蒺藜 秦荻梨 甘草 石斛

細辛 牡荊 枇杷葉 甘蔗 薯蕷 焉肉

白石英 鹿茸 杏仁 石膏 橘皮 鍾乳

雲母 礬石 胡椒

霍亂轉筋第三十三

木瓜 鷄屎白 乾薑 附子 瞿麥 女萎



磁石
瞿麥白
粟米
石斛
鹿茸

補脚第三十三

大棗
櫻桃
甘蔗
石蜜

欬逆上氣第三十一

石膽
藤蕪
蜀椒
款冬花
狼毒
桑根皮

竹葉
女莞
白前
吳茱萸
百部根
當歸

麻黃
貝母
紫苑
白蘚皮
蕘花
藜蘆

烏頭
附子
鬼臼
射干
半夏
蜀漆

菖蒲
遠志
甘草
細辛
防葵
獐脂肉

桃仁
瓜丁
杏仁
牡蠣
桂心
白石脂



羊肺

紫石英

鍾乳

硫黃

茯苓

芫花

五味子

茯苓

下氣第三十二

鉛丹

梅實

蛇牀

石韋

水蘇

竹葉

蘇子

薄荷

蒺藜

秦荻梨

甘草

石斛

細辛

牡荊

枇杷葉

甘蔗

薯蕷

馬肉

白石英

鹿茸

杏仁

石膏

橘皮

鍾乳

雲母

礬石

胡椒

霍亂轉筋第三十三

木瓜

鷄屎白

乾薑

附子

瞿麥

女萎



香薷

匾豆

薄荷

橘皮

人參

桂心

白朮

腸痔第三十四

石膽

硝石

丹砂

五石脂

水銀

雄黃

殷孽

石硫黃

蠶魚

磁石

藥木

槐子

桐皮

飛廉

敗醬

露蜂房

蝟皮

孔公孽

鱧鱺魚

蛇蛻皮

鼈甲

猪後足懸蹄

鼠漏并痔第三十五

黃耆

續斷

連翹

王不留留

通草

夏枯草

鼠尾草

篇蓄

狼毒

敗醬

桐葉

及已



王瓜

蛇銜草

側子

地榆

昆布

牡蠣

蠡魚

露蜂房

文蛤

龜甲

蛻皮

籠甲

盤螯

蚬蛇膽

蛇蛻皮

虎骨

地膽

猪鬃蹄

五石脂

鱖鯉甲

三蟲第三十六

粉錫

特生

石舉

梓白皮

山茱萸

檳榔

衛牙

蕪荑

天門冬

乾漆

天名精

桑白皮

蔓荊子

菩參

藤蕪

雷丸

棟實

莧實

麝香

通草

桃仁

桃花

連翹

貫眾

鶴蝮

扁蓄

青桐

藿蘆

牙子

榧實

槲皮



薏苡根 白項蛆蚓

下部醫第三十七

雄黃 雌黃 石硫黃 苦參 艾

蚰蛇膽 馬鞭草

鹽

崩中下血第三十八

衛矛 白瓷屑 伏龍肝 青石脂 桃花 敗船茅

紫葳 藥木 當歸 桑上寄生 白斂 茅根

玉泉 牡狗齒 鯉魚骨 白殭蠶 龍骨 白膠

阿膠 牛角鯁 地榆 陽起石 生地黃 茜根

白芷 艾葉 景天花 烏賊魚骨 小麥 大小蘗根



女人血閉第三十九

桃仁 銅鏡鼻 銅弩牙 茅根 栝蘂 烏

白芷 大黃 蟻螬 蝨蟲 牛角鯁 桑

芎藭 蠱蟲 水蛭 菴藷子 黃芩 紫葳

陽起石 巴豆 牛膝 瞿麥 當歸

女人寒熱疝瘦漏下第四十

白堊 肉苁蓉 禹餘糧 黃耆 乾漆 蛇牀子

陽起石 秦椒

產難胞衣不出第四十一

代赭 石燕 冬葵子 弓聲絃 滑石 殺羊角



澤瀉

續斷

蚱蟬

王不留行

女人陰冷腫痛第四十二

松蘿

卷柏

白蘇皮

陰蝕瘡第四十三

篇蓄

土陰孽

五加皮

黑石脂

礬石

藁木

桐葉

礬石

石膽

蝮蟻

龜甲

狐莖

傷寒瘟疫第四十四

麻黃

麝羊角

徐長卿

犀角屑

前胡

生葛汁

葛根

大青

栝蘘

柴胡

青木香

吳藍

貝母

玄參

白薇

知母

桂心

芍藥



健忘第四十五

遠志 菖蒲

人參

茯神

養賢

白馬心 龍腦

龜甲

通草

通九竅第四十六

大棗 芥子

遠志

菖蒲

細辛

藜蘆

下部痢第四十七

樞實 龍骨

鼠尾草

營實

黃連

藜蘆

乾薑 附子

倉米

蜀椒

五石脂

無食子

榭若 地榆

龍膽

黃蘗

虛損洩精第四十八



白棘 五十 韭子

鹿茸

山茱萸

澤瀉

鬼絲子

牡蠣

白龍骨

唾粘如膠并唾血第四十九

紫菀

紫參

旋復花

麻黃

茯苓

桂心

槐子

芎藭

乾薑

射干

小麥

吐血第五十

戎鹽

栝葉

水蘇

生地黄

竹茹

敗船茹

大小薊根 蟪螬

艾葉

白膠

麋羊角

馬屎

下血第五十一

栝葉

白養膚

伏龍肝

青羊脂

艾葉

五石脂



赤箭

天名精

蒲黃

黃芩

生地黄

汁 茜根

水蘇

敗船茹

白膠

馬屎

槲若

栢

衄血第五十二

紫參

生地黄

汁 王不留

亂髮灰

水蘇

尿血第五十三

龍骨

戎鹽

鹿茸

葱涕汁

耳聾第五十四

磁石

菖蒲

山茱萸

烏雞脂

鵝脂

通草

玉瓜

止汗第五十五



南京中医药大学图书馆版权所有

牡蠣

龍骨

柏實

衛矛

出汗第五十六

細辛

山茱萸

石膏

蜀椒

乾薑

慈石

桂心

葛根

麻黃

堅齒第五十七

香蒲

蔓荊子

秦椒

蜀椒

鼠李根

戎鹽

桑上寄生

癰腫第五十八

營實

飛廉

蒺藜子

白棘

木蘭皮

絡石

紫石英

磁石

五石脂

芍藥

防己

澤蘭



金翼天

大蒜

連翹

黃耆

白飯

苦參

敗醬

通草

王瓜

玉不留行

惡瘡第五十九

白芨

藿蘆

蛇銜

青箱

牙子

狼毒

營實

黃芩

當歸

苦參

草解

雌黃

松脂

漏蘆

及已

通草

地榆

蜀羊泉

熱極喘口舌焦乾第六十

石膏

石蜜

麥門冬

栝藹

絡石

杏仁

茯苓

松脂

紫菀

款冬花

梅子

大黃
甘草

利血脉第六十一



玉射

丹砂

空青

長石

芒硝

乾地黄

人參

甘草

通草

芍藥

桂心

蜀椒

失魂魄第六十二

玉泉

丹砂

紫石英

茯神

琥珀

龍骨

人參

牛黃

悅人面第六十三

雄黃

白瓜子

丹砂

落葵子

鹿髓

茵桂

旋復花

麝香

栝蘂

口瘡第六十四

黃連

黑石脂

乾地黄

龍膽

大青

升麻



藥木

酪小藥

石蜜

苦竹葉

酥

豉

脚弱痿冷第六十五

石斛

石鍾乳

殷孽

孔公孽

附子

丹參

石硫黃

大豆

五加皮

竹瀝

側子

木防已

獨活

松節

牛膝

千金翼方卷第一終



南京中医药大学图书馆版权所有

千金翼方卷第三

本草下

宋朝奉郎守太常少卿充秘閣校理林億等校正

明翰林院檢討國史纂修官王肯堂重校

內閣撰文中書會人加四級金匱華希閣校刻

玉石部上品

玉石部中品

玉石部下品

草部上品之上

草部上品之下

草部中品之上



草部中品之下

論曰金石草木自有本經而條例繁富非後學近識所能
忽逢事逼豈暇披討所以錄之于卷附之于方便忠臣孝
遠之際造次可見故錄之以冠篇首焉

玉石部上品 二十二味

玉泉

玉屑

丹砂

空青

綠青

曾青

白青

扁青

石膽

雲母

石鍾乳

石硝

消石

芒硝

礬石

滑石

紫石英

白石英

五石脂

太一餘糧

禹餘糧

石中黃子

石中黃子

石中黃子

玉泉味甘平無毒主五臟百病柔筋強骨安魂魄長肌肉益氣



利血脉療婦人帶下十二病除氣癰明耳目久服耐寒暑不餓
渴不老神仙輕身長集人臨死服五斤死三年色不變一名玉
札生藍田山谷採無時
玉屑味甘平無毒主除胃中熱喘息煩滿止渴屑加麻豆服之
久服輕身長年生藍田採無時
丹砂味甘微寒無毒主身體五臟百病養精神安魂魄益氣明
目通血脈止煩滿消渴益精神悅澤人面殺精魅邪惡鬼除中
惡腹痛毒氣疥癩諸瘡久服通神明不老輕身神仙能化爲汞
作末名真朱光色如雲母可析者良生符陵山谷採無時
空青味甘酸寒大寒無毒主青盲耳聾明目利九竅通血脈養

精神益肝氣療目赤痛去膚醫止淚出利水道下乳汁通關節
破堅積久服輕身延年不老令人不忘志高神仙能化銅
錫作金生益州山谷及越雋山有銅處銅精薰則生空青
中空三月中旬採亦無時

綠青味酸寒無毒主益氣療鼻止洩痢生山之陰次中色白
曾青味酸小寒無毒主目痛止淚出風痺利關節通九竅破癥
堅積聚養肝胆除寒熱殺白虫療頭風腦中寒止煩渴補不足
盛陰氣久服輕身不老能化金銅生蜀中山谷及越雋採無時
白青味甘酸鹹平無毒主明目利九竅耳聾心下邪氣令人吐
殺諸毒三虫久服通神明輕身延年不老可消為銅劍辟五兵



生豫章山谷採無時

扁青味甘平無毒主目痛明目折跌癰腫金瘡不瘳破積聚解
毒氣利精神去寒熱風痺及丈夫莖中百病益精久服輕身不
老生朱崖山谷武都朱提採無時

石胆味酸辛寒有毒主明目目痛金瘡諸癰瘰女子陰蝕痛石
淋寒熱崩中下血諸邪毒氣令人有子散癥積欬逆上氣及鼠
瘻惡瘡鍊餌服之不老久服增壽神仙能化鐵爲銅成金銀一
名畢石一名黑石一名碁石一名銅勒生羞道山谷羞里句青
山二月庚子辛丑日採
雲母味甘平無毒主身皮死肌中風寒熱如在車船中除邪氣

安五臟益子精明目下氣堅肌續斷補中治五勞七傷虛損

氣止痢久服輕身延年悅澤不老耐寒暑志高神仙一名雲

色多赤一名雲華五色具一名雲英色多青一名雲液色

一名雲砂色青黃一名磷石色正白生太山山谷齊廬山及琅

邪北定山石間二月採

石鍾乳味甘温無毒主欬逆上氣明目益精安五臟通百節利

九竅下乳汁益氣補虛損癢脚弱疼冷下焦傷竭強陰久服延

年益壽好顏色不老令人有子不鍊服之令人淋一名公乳一

名蘆石一名夏石生少室山谷及太山採無時

朴硝味苦辛寒大寒無毒主百病除寒熱邪氣是六腑積聚結



固留癖胃中食飲熱結破留血閉絕停痰痞滿推陳致新能化七十二種石鍊餌服之輕身神仙鍊之白如銀能寒能熱能澀能辛能苦能鹹能酸入地千歲不變色青白者佳黃人赤者殺人一名消石朴生益州山谷有鹹水之陽採無時

消石味苦辛寒大寒無毒主五臟積熱胃脹閉滌去汚結飲食推陳致新除邪氣療五臟十二經脈中百般惡疾暴傷寒腹中大熱止煩浪消渴利小便及癭蝕瘡鍊如膏久服輕身天地至神之物能化成七十二種石一名芒消生益州山谷及武都隴西西羌採無時

芒消味辛苦大寒主五臟積聚久熱胃閉除邪氣破留血腹中

痰實結搏通經脉利大小便及月水破五淋推陳致新生於

礬石味酸寒無毒主寒熱洩痢白沃陰蝕惡瘡目痛堅骨齒

固熱在骨髓去鼻中息肉鍊餌服之輕身不老增年岐伯

服傷人骨能使鐵為銅一名石磴一名羽澤生河西山谷及隴

西武都石門採無時

滑石味甘寒大寒無毒主身熱洩瀉女子乳難癰閉利小便蕩

胃中積聚寒熱益精氣通九竅六腑津液去留結止渴令人利

中久服輕身耐饑長年一名液石一名共名一名脫石一名番

石生楮陽山谷及太山之陰或掖北白山或卷山採無時

紫石英味甘辛溫無毒主心腹欬逆邪氣補不足女子風寒在



子宮絕孕十年無子療上氣心腹痛寒熱邪氣結氣補心氣不足定驚悸安魂魄填下焦止消渴除胃中久寒散癰腫令人悅澤久服温中輕身延年生太山山谷採無時

白石英味甘辛微温無毒主消渴陰痿不足欬逆胸膈間久寒益氣除風濕痺療肺痿下氣利小便補五臟通日月光久服輕身長年耐寒熱生華陰山谷及太山大如指長二三寸六面如削白澈有光其黃端白稜名黃石英赤端名赤石英青端名青石英黑端名黑石英二月採亦無時

青石赤石黃石白石黑石脂等味甘平生黃疽洩痢腸澼膿血陰蝕下血赤白邪氣癰腫疽痔惡瘡頭瘍疥癩久服補髓益氣



肥健不饑輕身延年五石脂各隨五色補五臟生南山之陽山
谷中

青石脂味酸平無毒主養肝胆氣明目療黃疸洩痢腸澼
帶下百病及疽痔惡瘡久服補髓益氣不饑延年生齊區山
海崖採無時

赤石脂味甘酸辛大溫無毒主養心氣明目益精療腹痛洩澼
下痢赤白小便利及癰疽瘡痔女子崩中漏下產難胞衣不出
久服補髓好顏色益智不饑輕身延年生濟南射陽及太山之
陰採無時

黃石脂味苦平無毒主養脾氣安五臟調中大人小兒洩痢腸



辟下膿血去白虫除黃疽癰疽虫久服輕身延年生嵩高山色
如鷲雞採無時

白石脂味甘酸平無毒主養肺氣厚腸補骨髓療五臟驚
足心下煩止腹痛下水小腸澀熱溲便膿血女子崩中漏下赤

白沃排癰疽瘡痔久服安心不飢輕身長年生太山之陰採無時

黑石脂味鹹平無毒主養腎氣強陰主陰蝕瘡止腸澀洩痢療

口瘡咽痛久服益氣不飢延年一名石涅一名石墨出潁川陽

城採無時

太一餘糧味甘平無毒主欬逆上氣癥瘕血閉漏下除邪氣肢
節不利大飽絕力身重久服耐寒暑不飢輕身飛行千里神仙



一名石腦生太山山谷九月採

石中黃子味甘平無毒久服輕身延年不老此禹餘糧壳

成餘糧黃濁水也出餘糧處有之陶云芝品中有石中黃

禹餘糧味甘寒平無毒主欬逆寒熱煩滿下赤白血閉癥瘕天

熱療小腹痛結煩疹鍊飭服之不飢輕身延年一名白餘糧生

東海地澤及山島中或池澤中

玉石部中品二十九味

金屑 銀屑 水銀 雄黃 雌黃 殷孽

孔公孽 石腦 石硫黃 陽起石 凝水石 石羔

磁石 立石 理石 長石 膚青 鐵落



鐵
生鐵
鋼鐵
鐵精
光明鹽
綠鹽

蜜陀僧
桃花石
珊瑚
石花
石牀

金屑味辛平有毒主鎮精神堅骨髓通利五臟除邪毒氣

神仙生益州採無時

銀屑味辛平有毒主安五臟定心神止驚悸除邪氣久服輕身

長年生永昌採無時

水銀味辛寒有毒主疹癩癩瘍白禿殺皮膚中蟲墮胎除熱以

傳男子陰陰消無氣殺金銀銅錫鉛諸毒還復為丹久服神仙

不死一名永生符陵平土出於丹砂

雄黃味苦甘平寒大溫有毒主寒熱鼠瘻癰瘡疽痔死肌療疥



虫蠱瘡目痛鼻中息肉及絕筋破骨百節中大風積聚癖氣中
惡腹痛鬼疰殺精魅惡鬼邪氣百虫毒勝五兵殺諸虵虺
藜蘆能悅澤人面鍊食之輕身神仙餌服之皆飛入人腦
鬼瘧延年益壽保中不飢得銅可作金一名黃食石生武都山
谷燉煌山之陽採無時

雌黃味辛甘平大寒有毒主惡瘡頭禿疥殺毒虫蝨身痒邪
氣諸毒蝕鼻中息肉下部蠱瘡身面白駁散皮膚死肌及恍惚
邪氣殺蜂蛇毒鍊之久服輕身增年不老令人腦滿生武都山
谷與雄黃同山生其陰山有金精薰則生雌黃採無時
般萼味辛温無毒主爛傷瘀血洩痢寒熱鼠癩癥瘕結氣脚冷

痿弱一名姜石鍾乳根也生趙國山谷又梁山及南海採無時
孔公孽味辛溫無毒主傷食不化邪結氣惡瘡疽癩痔利九竅
下乳汁男子陰瘡女子陰蝕及傷食病常欲眠睡一名通石般
孽根也青黃色生梁山山谷
石腦味甘溫無毒主風寒虛損腰脚疼痛安五臟益氣一名石
飴餅生名山土石中採無時

石硫黃味酸溫大熱有毒主婦人陰蝕疽痔惡血堅筋骨除頭
禿癢心腹積聚邪氣冷癖在脇欬逆上氣脚冷疼弱無力及鼻
衄惡瘡下部羸瘡止血殺疥虫能化金銀銅鐵奇物生東海牧
羊山谷中及大山河西山碧石液也

陽起石味鹹微温無毒主崩中漏下破子藏中血癥瘕結氣寒

熱腹痛無子陰痿不起補不足療男子空頭寒陰下濕痒

汗消水腫久服不飢令人有子一名曰石一名石生一名

石雲母根也生齊山山谷及琅邪或雲山陽起山採無時

凝水石味甘寒大寒無毒主身熱腹中積聚邪氣皮中如火

燒煩滿水飲之除時氣熱盛五臟伏熱胃中熱煩滿止渴水腫

小腹痺久服不飢一名白水石一名寒水石一名凌水石色如

云母可析者良鹽之精也生常山山谷又中水縣及邯鄲

石羔味辛甘微寒大寒無毒主中風寒熱心下逆氣驚喘口乾

舌焦不能息腹中堅痛除邪氣產乳金瘡除時氣頭痛身熱三



焦大熱皮膚熱腸胃中隔氣解肌發汗止消渴煩逆腹脹暴氣
喘息咽熱亦可作浴湯一名細石細理白澤者良黃者令人
生齊山山谷及齊盧山魯蒙山採無時

磁石味辛鹹寒無毒主周痺風濕肢節中痛不可持物洗洗酸

消除大熱煩滿及耳聾養腎藏強骨氣益精除煩通關節消癰

腫鼠瘦頸核喉痛小兒驚癇鍊水飲之亦令人有子一名玄石

一名處石生太山山谷及慈山山陰有鐵處則生其陽採無時

玄石味鹹溫無毒主夫人小兒驚癇女子絕孕小腹冷痛少精

身重服之令人有子一名玄水石一名處石生太山之陽山陰

有銅銅者雌玄者雄



理石味辛甘寒大寒無毒主身執利胃解煩益精明目破積聚
去三虫除榮衛中去來大熱結執解煩毒止消渴及中風
一名立制石一名肌石如石羔順理而細生漢中山谷及

採無時

長石味辛苦寒無毒主身熱胃中結氣四肢寒厥利小便通血
脈明目去瞽眇下三虫殺蠱毒止消渴下氣除脇肋肺間邪氣
久服不飢一名方石一名土石一名直石理如馬齒方而潤澤
玉色生長于山谷及太山臨淄採無時

膚青味辛鹹平無毒主蠱毒及蛇菜肉諸毒惡瘡不可久服令
人瘦一名推青一名推石生益州山谷



鐵落味辛甘平無毒主風熱惡瘡瘍疽瘡痂疥氣在皮膚中除
胸膈中熱氣食不下止煩去黑子一名鐵液可以染皂生髮
平澤及妨城或析城採無時

鐵主堅肌耐痛

生鐵微寒主療下部及脫肛

鋼鐵味甘無毒主金瘡煩滿熱中胸膈氣塞食不化一名跳鐵

鐵精平微溫主明目化銅止驚悸定心氣小兒風癘陰癩脫肛

光明鹽味鹹甘平無毒主頭面諸風目去痛多眵淚生鹽州五

原鹽池下鑿取之大者如升皆方正光徹一名石鹽

綠鹽味鹹苦辛平無毒主目赤淚出膚瞤眩暗

蜜陀僧味鹹辛平有小毒主久痢五痔金瘡面上癩酃面膏
用之

桃花石味甘溫無毒主大腸中冷膿血痢久服令人肌熱

珊瑚味甘平無毒主宿血去目中醫鼻衄末吹鼻中生南海

石花味甘溫無毒酒漬服主腰脚風冷與股孽同一名乳花

石牀味甘溫無毒酒漬服與股孽同一名乳牀一名逆石

玉石部下品 三十一味

青琅玕 礬石 特礬石 握雪礬石 方解石 蒼石

土陰孽 代赭 鹵鹹 大鹽 戎鹽 白堊

鉛丹 粉錫 錫銅鏡鼻 銅弩牙 金牙 石灰



冬灰

鍛灶灰

伏龍肝

東壁土

紫鉞騏驎竭

礶砂

姜石

赤銅屑

銅鑛石

白堊瓦屑

烏古瓦

石鷄

梁上塵

青琅玕味辛平無毒主身痒火瘡癰傷白禿疥瘡死肌侵淫在皮膚中煮鍊服之起陰氣可化烏丹一名石珠一名青珠生蜀

郡平澤採無時

礶石味辛甘大熱生温熟熱有毒主寒熱鼠癩蝕瘡死肌風痺

腹中堅癖邪氣除熱明目下氣除膈中熱止消渴益肝氣破積

聚癩冷腹痛去鼻中息肉久服令人筋攣火鍊百日服一刀圭

不鍊服則殺人及百獸一名青分石一名立制石一名固羊石



一名白礬石一名太白石一名澤乳一名食鹽生漢中山谷及少室採無時

特生礬石味甘温有毒主明目利耳腹內絕寒破堅結及鼠瘻殺百虫惡獸久服延年一名蒼礬石一名鼠毒生西域採無時握雪礬石味甘温無毒主痼冷積聚輕身延年多食令人熱方解石味苦辛大寒無毒主胸中留熱結氣黃疸通血脉去蠱毒一名黃石生方山採無時

蒼石味甘平有毒主寒熱下氣癭蝕殺禽獸生西城採無時土陰孽味鹹無毒主婦人陰蝕太熱乾癩生高山崖上之陰色白如脂採無時

東望土 紫蛤地 魏啟



代赭味苦甘寒無毒主鬼疰賊風蠱毒殺精物惡鬼腹痛除邪
氣女子赤沃漏下帶下百病產難胞衣不出墮胎養血氣除五
臟血脈中熱血痺血瘀大人小兒驚氣入腹及陰痿不起一名
瀕丸一名血師生齊國山谷赤紅青色如鷄冠有澤染爪甲不
渝者良採無時

鹵鹹味苦鹹寒無毒主大熱消渴狂煩除邪及下蠱毒柔肌膚
去五藏腸胃留熱結氣心下堅食已嘔逆喘滿明目口瘡生河

東鹽池

向水滸青鹵鹹池水十五封

大鹽味甘鹹寒無毒主腸胃結熱喘逆胸中病令人吐生邯鄲
及河東池澤

戎鹽味鹹寒無毒主明目目痛益氣堅肌骨去毒蠱心腹痛溺
血吐血齒舌血出一名胡鹽生胡鹽山及西羌北地酒泉
城東南角北海青南海赤十月採

白堊味苦辛溫無毒主女子寒熱癥瘕月閉積聚陰腫痛漏下
無子洩痢不可久服傷五臟令人羸瘦一名白善生邯鄲山谷
採無時

鈆丹味辛微寒主吐逆胃反驚癇癩疾除熱下氣止小便利除
毒熱臍攣金瘡溢血鍊化還成丸光久服通神明一名鈆華生
於鈆生蜀郡平澤
粉錫味辛寒無毒主伏尸毒螫殺三虫去鼈瘕療惡瘡墮胎止



小便利一名解錫

錫銅鏡鼻主女子血閉癥瘕伏腸絕孕及伏尸邪氣生桂陽

銅弩牙主婦人產難血閉月水不通陰陽隔塞

金牙味鹹無毒主鬼痔毒蠱諸疰生蜀郡如金色者良

石灰味辛溫主疽瘍疥瘡熱氣惡瘡癩疾死肌墮眉殺痔虫去

黑子息肉療髓骨疽一名惡灰一名希灰生中山川谷

冬灰味辛微溫主黑子去眈息肉疽蝕疥瘡一名藜灰生方谷

川澤

鍛灶灰主癥瘕堅積去邪惡氣主五癰疽疥疔

伏龍肝味辛微溫主婦人崩中吐血止欬逆止血消癰腫毒氣



東壁土主下部瘡脫肛

紫鉞騏驎竭味甘鹹平有小毒主五臟邪氣帶下止痛破積

金瘡肉與騏驎竭二物大同小異

確砂味苦辛溫有毒不宜多服主積聚破結血爛胎止痛下

氣療欬治猪冷去惡肉生好肌柔金銀可為鐸藥出西戎形如

牙消光中者良驢馬藥亦用

姜石味鹹寒無毒主熱豌豆瘡丁毒等腫生土石間狀如姜有

一種色白者最良所在有之以爛不礮者好齊州歷城東者良

亦銅屑以醋和如麥飯袋盛先刺腋下脉去血封之攻腋臭神

又熬使極熱投酒中服五合日三主賊風反折又燒赤銅五



斤內酒二斗中百遍服同前主賊風甚驗
銅鑛石味酸寒有小毒主丁腫惡瘡驢馬脊瘡臭腋石上水磨
取汁塗之其丁腫末之傅瘡上良

白瓷瓦屑平無毒主婦人帶下血崩止嘔吐破血止血水磨塗
瘡滅癥定州者良餘皆不如

烏古瓦寒無毒以水煮及潰汁飲止消渴取屋上年深者良
石罌以水煮汁飲之主淋有效婦人難產兩手各把一枚立驗

田零陵

梁上塵主腹痛噎中惡鼻衄小兒軟瘡

草部上品之上

四十味



青芝

赤芝

黄芝

白芝

黑芝

紫芝

赤箭

天門冬

麥門冬

朮

女萎

黄精

菖蒲

干地黄

遠志

宅舍附葉

薯蕷

菊花

甘草

人參

石斛

牛膝

卷柏

細辛

獨活

升麻

柴胡附葉

防葵

蒼實

菴藷子

薏苡仁

車前子附葉根

菥菀子

菴蔚子附莖

木香

龍胆

兔絲子

巴戟天

白英

白蒿

雷芝味酸平主明目補肝氣安精神仁恕久食輕身不老延年

神仙一名龍芝生泰山

赤芝味苦平主胸中結益心氣補中增智慧不忌久食輕身不

老延年神仙一名丹芝生霍山

黃芝味甘平主心腹五邪益脾氣

老延年神仙一名金芝生嵩山

白芝味辛平主欬逆上氣益肺氣通利口鼻

久食輕身不老延年神仙一名玉芝生

黑芝味鹹平主癰利水道益腎氣通九竅

延年神仙一名玄芝生常山

紫芝味甘温主耳聾利關節保神益精氣

輕身不老延年一名木芝生高下山谷

赤箭味辛温主殺鬼精物蠱毒惡氣消癰



南京中醫藥大學圖書館版權所有

服益氣力長陰肥健輕身培年一名離母一名

川谷雍州及太山少室三月四月八月採根暴乾

天門冬味甘苦甘平大寒無毒主諸暴風濕偏痺強骨髓和

去伏尸保定肺氣去寒熱養肌膚益氣力利小便冷而能補久

服輕身益氣延年不飢一名顛勒生奉高山谷二月三月七月

八月十月採根暴乾

天門冬味甘平微寒無毒主心腹結氣傷中傷飽胃絡脉絕羸

瘦短氣身重目黃心下支滿虛勞客熱口乾燥渴止嘔吐愈痿

麋強陰益精消穀調中保神定肺氣安五臟令人肥健美顏色

有子久服輕身不老不飢秦名羊韭齊名愛韭楚名馬韭越名

羊薺一名禹葭一名禹餘糧葉如韭冬夏長生生函谷川谷及
堤坂肥土石間久廢處二月三月八月十月採根陰乾
尤味苦甘溫無毒主風寒濕痺死肌瘞疽止汗除熱消食主大
風在身面風眩頭痛目淚出消痰水逐皮間風水結腫除心下
結滿及霍亂吐下不止利腰臍間血益津液暖胃消穀嗜食作
煎餌久服輕身延年不飢一名山薺一名山姜一名山連生鄭
山山谷漢中南鄭二月三月八月九月採根暴乾
黃精味甘平無毒主補中益氣除風濕安五臟久服輕身延年
不飢一名重樓一名菟竹一名鷄格一名救窮一名鹿竹生山
谷二月採根陰乾



女萎萎蕤味甘平無毒主中風暴熱不能動搖跌筋結肉諸不足心腹結氣虛熱濕毒腰痛莖中寒及目痛皆爛淚出久眼面黑野好顏色潤澤輕身不老一名煖一名地節一名玉名馬薰生太山山谷及丘陵立春後採陰乾
乾地黄味甘苦寒無毒主折跌絕筋傷中逐血痺填骨髓長肌肉作湯除寒熱積聚除痺虫男子五勞七傷女子傷中胞漏下血破惡血瀉血利大小腸去胃中宿食飽力嘶絕補五臟內傷不足通血脉益氣力利耳目生者尤良
生地黄大寒主婦人崩中血不止及產後血上薄心悶絕傷身胎動下血胎不落墮墜跪折瘀血留血衄鼻吐血皆擣飲之久



服輕身不老一名地髓一名芥一名芭生成陽川澤黃土地者

佳二月八月採根陰乾

葛蒲味辛溫無毒主風寒濕痺欬逆上氣開心孔補五臟

竅明耳目出音聲主耳聾癰瘡溫腸胃止小便利四肢濕痺不

得屈伸小兒溫瘧身積熱不解可作浴湯久服輕身聰耳明目

不忘不迷惑延年益心智高志不老一名昌陽生上洛池澤及

蜀郡嚴道一寸九節者良露根不可用五月十二月採根陰乾

遠志味苦溫無毒主欬逆傷中補不足除邪氣利九竅益智慧

耳目聰明不忘強志倍力利丈夫定心氣止驚悸益精去心下

膈氣皮膚中熱面自黃久服輕身不老好顏色延年葉名小草



主益精補陰氣止虛損夢洩一名棘菟一名夢繞一名細草生
太山及宛句川谷四月採根葉陰乾

宅舍味甘鹹寒無毒主風寒濕痺乳難消水養五臟益氣

健補虛損五勞除五臟痞滿起陰氣止洩精消渴淋澀逐

三焦停水久服耳目聰明不飢延年輕身面生光能行水上扇

鵲云多服病人眼一名水瀉一名及瀉一名芒芋一名鵲瀉生

汝南池澤五月八月採根陰乾葉味鹹無毒主大風乳汁不出

產難強陰氣久服輕身五月採實味甘無毒主風痺消渴益腎

氣強陰補不足除邪濕久服面生 令人無子九月採

薯蕷味甘溫平無毒主傷中補虛羸除寒熱邪氣補中益氣力



長肌肉主頭面遊風頭風眼眩下氣止腰痛補虛勞羸瘦充五臟除煩熱強陰久服耳目聰明輕身延年不飢一名山芋素楚名玉延鄭越名土諸生嵩高山谷二月八月採根暴乾

菊花味甘平無毒主風頭眩腫痛目欲脫淚出皮膚死肌惡風濕痺療腰痛去來陶陶除胸中煩熱安腸胃利五脈調四肢久服利血氣輕身耐老延年一名節華一名日精一名女節一名女華一名女莖一名更生一名周盈一名傅延年一名陰成生雍州川澤及田野正月採根三月採葉五月採莖九月採花十一月採實皆陰乾

甘草味甘平無毒主五臟六腑寒熱邪氣堅筋骨長肌肉倍力



金瘡腫解毒溫中下氣煩滿短氣傷臟欬止渴通經脈利
氣解百藥毒爲九土之精安和七十二種石一千二百種草久
服輕身延年一名蜜甘一名美草一名蜜草一名露草生
川谷積沙山及上郡二月八月除日採根暴乾十日已成

人參味甘微寒微溫無毒主補五臟安神定魄止驚悸除
邪氣明目開心益智療腸胃中冷心腹鼓痛胸脇逆滿霍亂吐
逆調中止消渴通血脈破堅積令人不飢久服輕身延年一名
人街一名鬼蓋一名神草一名人微一名土精一名血參如人
形者有神生上黨山谷及遼東二月四月八月上旬採根竹刀

刮暴乾無令見風

石斛味甘平無毒主傷中除痺下氣補五臟虛勞羸瘦強陰益
精補內絕不足平胃氣長肌肉逐皮膚邪熱痹氣脚膝疼冷痺
弱久服厚腸胃輕身延年定志除驚一名林蘭一名禁生

杜闌一名石遠生六安山谷水傍石上七月八月採莖陰乾

牛膝君味甘苦酸平無毒主寒濕痿痺四肢拘攣膝痛不可屈伸

逐血氣傷熱火爛墮胎療傷中少氣男子陰消老人失溺補中

續絕填骨髓除胸中痛及腰脊痛婦人月水不通血結益精利

陰氣止髮白次服輕身耐老一名百倍生河內川谷及臨胸二

月八月十月採根陰乾

卷柏味辛甘温平微寒無毒生五臟邪氣女子陰中寒熱痛瘕



瘕血閉絕予止欬逆治脫肛散淋結頭中風眩痿瘳強陰益精
久服輕身和顏色令人好容顏一名萬歲一名豹足一名
一名交時生常山山谷石間五月七月採陰乾

細辛味辛溫無毒主欬逆頭痛腦動百節拘攣風濕痺痛死肌
溫中下氣破痰利水道開胸中除喉痺齟鼻風癩癩疾下乳結
汗不出血不行安五臟益肝胆通精氣久服明目利九竅輕身
長年一名小辛生華陰山谷二月八月採根陰乾

獨活味苦甘平微溫無毒主風寒所擊金瘡止痛貫脈癩瘻女
子疝瘕療諸賊風百節痛風無久新者久服輕身耐老一名羌
活一名羌青一名護羌使者一名胡王使者一名獨搖草此草



得風不搖無風自動生雍州川谷或隴西南安二月採根暴乾
升麻味甘苦平微寒無毒主解百毒殺百精老物殒鬼辟瘴及
疔氣邪氣蠱毒入口皆吐出中惡腹痛時氣毒癘頭痛寒熱風
腫諸毒喉痛口瘡久服不夭輕身長年一名周麻生益州山谷

二月八月採根日乾

柴胡爲君味苦平微寒無毒主心腹去腸胃中結氣飲食積聚寒

熱邪氣推陳致新除傷寒心下煩熱諸痰熱結實胸中邪逆五
臟間遊氣大腸停積水脹及濕痺拘攣亦可作浴湯久服輕身
明目益精一名地薰一名山菜一名茹草葉名芸蒿辛香可食
主弘農川谷及寬句二月八月採根暴乾



防葵味辛甘苦寒無毒主疝瘕腸洩膀胱熱結溺不下欬逆

瘧癩驚邪狂走療五臟虛氣小腹支滿臚脹口乾除腎

志久服堅骨髓益氣輕身中火者不可服令人恍惚見鬼

梨蓋一名房慈一名爵離一名農果一名利茹一名方蓋生

淄川谷及嵩高大山少室三月三日採根暴乾

著實味苦酸平無毒主益氣充肌膚明目聰慧先知久服不飢

不老輕身生少室山谷八月九月採實日乾

菴藺子味苦微寒微溫無毒主五臟瘀血腹中支滿臚脹留熱

風寒濕痺身體諸痛療心下堅膈中寒熱周痺婦人月水不通

消食明目久服輕身延年不老駉驢食之神仙生雍州川谷亦



生上黨及道邊十月採實陰乾

薏苡仁味甘微寒無毒主筋急拘攣不可屈伸風濕痺下氣除

筋骨邪氣不仁利腸胃消水腫令人能食久服輕身益氣其根

下三虫一名解蠶一名屋茨一名起實一名藟生真定平澤及

田野八月採實採根無時

重前子味甘鹹寒無毒主氣癰止痛利水道小便除濕痺男子

傷中女子淋瀝不欲食養肺強陰益精令人有子明目療赤痛

久服輕身耐老葉及根味甘寒主金瘡止血衄鼻瘀血血瘕下

血小便赤止煩下氣除小虫一名當道一名朱萋一名蝦蟇衣

一名半遺一名勝焉生真定平澤丘陵阪道中五月五日採陰

乾



栝實子味辛微溫無毒主明目目痛淚出除痺補五臟益精光
療心腹腰痛久服輕身不老一名葳薜一名大駝一名馬
名大齊生成陽川澤及道傍四月五月採暴乾

莞蔚子味辛甘微溫微寒無毒主明目益精除水氣療血逆大
熱頭痛心煩久服輕身莖主癩瘡癢可作浴湯一名益母一名

益明一名大杜一名貞蔚生海濱池澤五月採

木香味辛溫無毒主邪氣辟瘴疫溫鬼強志主淋露療氣劣肌
中偏寒主氣不足消毒殺鬼精物溫瘡蠱毒行藥之精久服不
夢寤魘寐輕身致神仙一名蜜香生永昌山谷

龍胆味苦澀大寒無毒主骨間寒熱驚痛邪氣續絕傷定五臟

殺蠱毒除胃中伏熱時氣溫熱熱洩下痢去腸中小虫益肝胆
氣止驚惕久服益智不忘輕身耐老一名陵游生齊胸山谷及
宛句二月八月十一月十二月採根陰乾

兔絲子味辛甘平無毒主續絕傷補不足益氣力肥健汁去而
野養肌強陰堅筋骨主莖中寒精自出溺有餘瀝口苦燥渴寒

血爲積久服明目輕身延年一名菟蘆一名菟縷一名唐蒙二

名玉女一名赤綱一名菟纍生朝鮮川澤田野蔓延草木之上

色黃而細爲赤綱色淺而大爲菟纍九月採實暴乾

巴戟天味辛甘微溫無毒主大風邪氣陰痿不起強筋骨安五

臟補中增志益氣療頭面遊風小腹及陰莖相引痛下氣補五



勞益精利男子生巴郡及下邳山谷二月八月採根陰乾

白英味甘寒無毒主寒熱入疸消渴補中益氣久服輕身

一名穀菜一名白草生益州山谷春採葉夏採莖秋採花

白蒿味甘平無毒主五藏邪氣風寒濕痺補中益氣長毛髮令

黑療心懸少食常飢久服輕身耳目聰明不老生中山川澤

草部上品之下 三十八味

肉苁蓉 地膚子 忍冬 蒺藜子附葉 防風附葉 石龍莖

絡石 千歲纍 黃連 沙參 丹參 玉不留行

藍實附葉 景天附花 天名精 蒲黃 香蒲 蘭草

决明子 川芎 薜荔 續斷 雲實附花 黃耆附葉



徐長卿

杜若

蛇牀子

茵陳蒿

漏蘆

茜根

飛廉

營實

附根

薇銜

五味子

旋花

附根

白堊

鬼督郵

白花藤

肉蓯蓉味甘酸鹹微温無毒主五勞七傷補中除莖中寒熱痛

養五臟強陰益精氣多子婦人癥瘕除膀胱邪氣腰痛止痢久

服輕身生河西山谷及代郡鴈門五月五日採陰乾

地膚子味苦寒無毒主膀胱熱利小便補中益精氣去皮膚中

熱氣散惡瘡疔瘻強陰久服耳目聰明輕身耐老使人潤澤一

名地葵一名地麥生荊州平澤及田野八月十月採實陰乾

忍冬味甘温無毒主寒熱身腫久服輕身長年益壽肝採陰乾



蒺藜子味苦辛溫微寒無毒主惡血破癥結積聚喉痺乳難身
體風癢頭痛欬逆傷肺肺痿止煩下氣小兒頭瘡癰腫陰瘡
作摩粉其葉主風癢可煮以浴久服長肌肉明目輕身一
通一名屈人一名止行一名材羽一名升推一名卽菜一名
生馮翊平澤或道傍七月八月採實暴乾

防風味甘辛溫無毒主大風頭眩痛惡風風邪目盲無所見風
行周身骨節疼痛痺煩滿脇痛脇風頭面去來四肢攣急字乳金
瘡丙瘕久服輕身葉主中風熱汗出一名銅芸一名苜草一名
百枝一名屏風一名蔞根一名百蜚生沙苑川澤及邯鄲琅邪

上蔡二月十月採根暴乾

茵陳

茵陳

茵陳



石龍藹味苦微寒微溫無毒主心腹邪氣小便不利淋閉風濕
鬼疰惡毒補內虛不足痞滿身無潤澤出汗除莖中熱痛殺虫
疰惡毒氣久服補虛羸輕身耳目聰明延年一名龍鬚一名
續斷一名龍珠一名龍華一名懸莞一名草毒九節多味者良
生梁州山谷濕地五月七月採莖暴乾

絡石味苦溫微寒無毒主風熱死肌癰傷口乾舌焦癰腫不消
喉舌腫不通水漿不下大驚入腹除邪氣養腎主腰髓痛堅筋
骨利腸胃久服輕身明目潤澤好顏色不老延年通神一名石
鱖一名石蹠一名略石一名明石一名領石一名懸石生太山
川谷或石山之陰或高山岩石上或生人間正月採

千歲藟汁味甘平無毒主補五臟益氣續筋骨長肌肉去諸痺
久服輕身不飢耐老通神明一名藟蕪生太山川谷

黃連味苦寒微寒無毒主熱氣目痛背傷淚出明目腸澼瘕瘕
下痢婦人陰中腫痛五臟冷熱久下洩澼膿血止消渴大驚除
水利骨調胃厚腸益胆療口瘡久服令人不忘一名王連生巫
陽川谷及蜀郡太山二月八月採

沙參味苦微寒無毒主血積驚氣除寒熱補中益肺氣療胃痺
心腹痛結熱邪氣頭痛皮間邪熱安五臟補中久服利人一名
知母一名苦心一名志取一名虎鬚一名白參一名識美一名
文希生河內川谷及宛句般陽續山二月八月採根暴乾

丹參味苦微寒無毒主心腹邪氣腸鳴幽幽如走水寒熱積聚
破癥除瘕止煩滿益氣養血去心腹痼疾結氣腰脊強脚痺除
風邪留熱久服利人一名郟蟬草一名赤參一名木羊乳生桐
柏山川谷及太山五月採根暴乾

王不留行味苦甘平無毒主金瘡止血逐痛出刺除風痺內寒
止心煩鼻衄癰疽惡瘡癭乳婦人難產久服輕身耐老增壽生
太山山谷二月八月採

藍實味苦寒無毒主解諸毒殺蠱蝥疰鬼螫毒久服頭不白輕
身其葉汁殺百藥毒解狼毒射罔毒其莖葉可以染青生
景天味苦酸平無毒主大熱火瘡身熱煩邪惡氣諸蠱毒痂疔

河內平澤



寒熱風痺諸不足花主女人漏下赤白輕身明目久服通神不老一名戒火一名火母一名故火一名據火一名慎火生大也川谷四月四日七月七日採陰乾

天名精味甘寒無毒主瘀血血痕欲死下血止血利小便除小虫去痺除胸中結熱止煩渴逐水大叶下久服輕身耐老一名麥句姜一名蝦蟆藍一名豕首一名天門精一名玉門精一名彘顛一名蟾蜍蘭一名覲生平原川澤五月採

蒲黃味甘平無毒主心腹膀胱寒熱利小便止血消瘀血久服輕身益氣力延年神仙生河東池澤四月採香蒲味甘平無毒主五臟心下邪氣口中爛臭堅齒明目聰耳

久服輕身耐老一名睢一名醮生南海池澤

蘭草味辛平無毒主利水道殺蠱毒辟不祥除胸中痰癖

益氣輕身不老通神明一名水香生大吳池澤四月五月採

决明子味鹹苦甘平微寒無毒主青盲目淫膚赤白膜眼赤痛

淚出療唇口青久服益精光輕身生龍門川澤石决明生豫章

十月十日採陰乾百日

川芎味辛温無毒主中風入腦頭痛寒痺筋攣金瘡婦人血閉

無子除腦中冷動面上遊風去來目淚出多涕唾忽忽如醉諸

寒滯氣心腹堅痛中惡卒急腫痛脇風痛温中内寒一名胡窮

一名香菜其葉名薜蕪生武功川谷斜谷西嶺三月採根暴乾



藤蕪味辛溫無毒主欬逆定驚氣辟邪惡除蠱毒鬼疰去三虫
久服通神主身中老風頭中久風風眩一名薇蕪一名苙蕪
苙苙也生雍州川澤及窰句四月五月採葉暴乾

續斷味苦辛微溫無毒主傷寒補不足金瘡癰傷折跌續筋
婦人乳難崩中漏血金瘡血內漏止痛生肌肉及腕傷惡血腰
痛關節緩急久服益氣力一名龍豆一名屬折一名接骨一名
南草一名槐生常山山谷七月八月採陰乾

云實味辛苦溫無毒主洩痢腸辟殺虫蠱毒去邪惡結氣止痛
除寒熱消渴花主見寃精物多食令人狂走殺精物下水燒之
致鬼久服輕身通神明益壽一名員實一名云英一名天豆生



河間川谷十月採暴乾

黃耆味甘微温無毒主癰疽久敗瘡排膿止痛大風癩疾五痔

鼠瘦補虛小兒百病婦人子臟風邪氣逐五臟間惡血補丈夫

虛損五勞羸瘦止渴腹痛洩痢益氣利陰氣生白水者冷補其

莖葉療渴及筋攣癰腫疽瘡一名戴椹一名獨椹一

名芟草一名蜀脂一名百木生蜀郡山谷白水漢中二月十月採陰乾

徐長卿味辛温無毒主鬼物百精蠱毒疫疾邪惡氣温瘧久服

強悍輕身益氣延年一名鬼督郵生太山谷及隴西三月採

杜若味辛微温無毒主胸脇下逆氣温中風入腦戶頭腫痛多

涕淚出眩倒目眈眈止痛除口臭氣久服益精明目輕身令人



不思一名杜蘅一名杜連一名白連一名白苓一名若芝生武陵川澤及宛旬二月八月採根暴乾

蛇牀子味苦辛甘平無毒主婦人陰中腫痛男子陰痿濕

痺氣利關節癩癘惡瘡温中下氣令婦人子臟熱男子陰強久

服輕身好顏色令人有子一名蛇粟一名蛇米一名虺牀一名

思益一名繩毒一名枣棘一名墻藤生臨淄川谷及田野五月

採實陰乾

茵陳蒿味苦平微寒無毒主風濕寒熱邪氣熱結黃疸通身發

黃小便不利除頭熱去伏瘕久服輕臭益氣耐老面白脫長年

白兔食之仙生太山及丘陵坂岸上五月及立秋採陰乾

漏蘆味苦鹹寒大寒無毒主皮膚熱惡瘡疽痔濕痺下乳汁止
遺溺熱氣瘡癢加麻豆可作浴湯久服輕身益氣耳目聰明不
老延年一名野蘭生喬山山谷八月採根陰乾
茜根味苦寒無毒主寒濕風痺黃疽瘡中止血內崩下血膀胱
不足踉跌蠱毒久服益精氣輕身可以染絳一名地血一名茹
蘆一名茅菟一名倩生喬山川谷二月三月採根暴乾
飛廉味苦平無毒主骨節熱脛重酸眩頭眩頂重皮間邪風如
蜂螫針刺魚子細起熱瘡癰疽痔濕腫止風邪欬嗽下乳汁久
服令人身輕益氣明目不老可煮可乾一名漏蘆一名天薺一
名伏豬一名飛輕一名伏兔一名飛雉一名木禾生河內川澤



正月採根七月八月採花陰乾

營實味酸溫微寒無毒主癰疽惡瘡結肉跌筋敗瘡熱氣

不瘳利關節久服輕身益氣根止洩利腹痛五臟客熱除邪逆

氣疽癩諸惡瘡金瘡傷搥生肉復肌一名墻薇一名墻麻一名

牛棘一名牛勒一名薔靡一名山棘生零陵川谷及蜀郡八月

九月採陰乾

薇銜味苦平微寒無毒主風濕痺歷節痛驚癇吐舌悸氣賊風

鼠瘻癰腫暴癢逐水療痿歷久服輕身明目一名麋銜一名承

膏一名承肌一名無心一名無顛生漢中川澤及宛句郢鄆七

月採莖葉陰乾



五味子味酸温無毒主益氣欬逆上氣勞傷羸瘦補不足強陰
益男子精養五藏除熱生陰中肌一名會及一名立及生者
山谷及代郡八月採實陰乾

旋花味甘温無毒主益氣去面肝黑色媚好其根味辛主腹中
寒熱邪氣利小便久服不飢輕身一名筋根花一名金沸一名
美草生豫州平澤五月採陰乾

白兔藿味苦平無毒主蛇虺蜂蠱豺狗菜肉蠱毒鬼疰風疰諸
大毒不可入口者甘消除之又去血可末著痛上立消毒入腹
者煮飲之卽解一名白葛生交州山谷

鬼督郵味辛苦平無毒主鬼疰卒忤中惡心腹邪氣百精毒温



瘧疫疾強腰脚益膂力一名獨搖草

白花藤味苦寒無毒主解諸藥菜肉中毒酒漬服之主虛

熱生嶺南交州廣州平澤

草部中品之上 三十七味

當歸 秦艽 黃芩附子芍藥 乾姜附生姜藁本附黃麻黃

葛根附葉前胡 知母 大青 貝母 栝蒌根 玄參

苦參 石龍芮 石韋 狗脊 葶藶 菝葜 通草

瞿麥 敗醬 白芷附葉杜蘅 紫草 紫苑 白鮮

白薇 葶耳附葉茅根附苗百合 酸漿 紫參 女萎

淫羊藿仙靈脾是也 蠶寶馬蘭子是也花葉等附



當歸味甘辛溫大溫無毒王欬逆上氣溫瘧寒熱洗洗在皮膚
中婦人漏下絕子諸惡瘡湯金瘡煮飲之溫中止痛除客血內
塞中風痙汗不出濕痺中惡客氣虛冷補五臟生肌肉一名乾
歸生隴西川谷二月八月採根陰乾

秦艽味苦平微溫無毒主寒熱邪氣寒濕風痺肢節痛下水利

小便療風無問久新通身攣急生飛鳥山谷二月八月採根暴乾

黃芩味苦平大寒無毒主諸熱黃疸腸澼洩痢逐水下血閉惡

瘡疽蝕火瘍療痰熱胃中熱小腹絞痛消穀利小腸女子血閉

淋露下血小兒腹痛一名腐腸一名空腸一名內虛一名黃文

一名經芩一名妬婦其子主腸澼膿血生稊歸川谷及寃句三



月三日採根陰乾

芍藥味苦酸平微寒有小毒主邪氣腹痛除血痺破堅積寒
疝瘕止痛利小便益氣通順血脉緩中散惡血逐賊血去水
利膀胱大小腸消癰腫時行寒熱中惡腹痛腰痛一名白朮
名餘容一名犁食一名解倉一名鋌生中岳川谷及丘陵二月
八月採根暴乾

乾姜味辛溫大熱無毒主胸滿欬逆上氣溫中止血出汗逐風
濕痺腸澼下痢寒令腹痛中惡霍亂脹滿風邪諸毒皮膚間結
氣止唾血生者尤良

生姜味辛微溫主傷寒頭痛鼻塞欬逆上氣止嘔吐久服去臭

氣通神明生犍爲川谷及荊州楊州九月採

藁本味辛苦溫微溫微寒無毒主婦人疔痕陰中寒腫痛癩中
急除風頭痛長肌膚悅顏色辟霧露潤澤療風邪痺曳金瘡可
作沐藥面脂寔主風流四肢一名鬼卿一名地新一名微莖生
崇山山谷正月二月採根暴乾三十日成

麻黃味苦溫微溫無毒主中風傷寒頭痛溫瘧發表出汗去邪
熱氣止欬逆上氣除寒熱破癥堅積聚五藏邪氣緩急風脇痛
字乳餘疾止好睡通腠理疎傷寒頭疼解肌洩邪惡氣消赤黑
斑毒不可多服令人虛一名卑相一名龍沙一名卑鹽生晉地
及河東立秋採莖陰乾今青

葛根味甘平無毒主消渴身大熱嘔吐諸痺起陰氣解諸毒療
傷寒中風頭痛解肌發表出汗開腠理療金瘡止痛脇風痛
根汁大寒療消渴傷寒壯熱葛穀主下痢十歲已上白葛
粉瘡止痛斷血葉主金瘡止血花主消酒一名雞齊根一名
藿一名黃斤生汶山川谷五月採根暴乾

前胡味苦微寒無毒主療痰滿胸脇中痞心腹結氣風頭痛去
痰實熱下氣治傷寒寒熱推陳致新明目益精仁朋採根暴乾
知母味苦寒無毒主消渴熱中除邪氣肢體浮腫下水補不足
益氣療傷寒久瘧煩熱脇下邪氣膈中惡及風汗肉疽多服令
人洩一名蚬母一名連母一名野蓼一名地參一名水參一名

水浸一名貨母一名蜚母一名女雷一名女理一名兒草一名
鹿列一名韭逢一名兒踵草一名東根一名水須一名沈播
名蔞生河內川谷二月八月採根暴乾

大青味苦大寒無毒主療時氣頭痛大熱口瘡三月採莖陰乾
貝母味辛苦平微寒無毒主傷寒煩熱淋瀝邪氣疝瘕喉痺乳
難金瘡風痊療腹中結實心下滿洗洗惡風寒目眩項直欬
上氣止煩熱渴出汗安五臟利骨髓一名空草一名藥實一名
苦花一名苦菜一名商草一名勤母生晉地十月採根暴乾
栝樓根味苦寒無毒主消渴身熱煩滿大熱補虛安中續絕傷
除腸胃中痼熱入疸身面黃唇乾口燥短氣通月水止小便利

一名地樓一名果羸一名天瓜一名澤姑實名黃瓜主胸痺悅
澤人面莖葉療中熱傷暑生弘農川谷及山陰地入土深者夏
生鹵地者有毒二月八月採根暴乾三十日成

玄參味苦鹹微寒無毒主腹中寒熱積聚女子產乳餘疾補腎
氣令人目明主暴中風傷寒身熱支滿狂邪忽忽不知人溫瘡
洒洒血痕下寒血除胸中氣下水止煩渴散頸下核癰腫心腹
痛堅癥定五臟久服補虛明目強陰益精一名重臺一名玄臺
一名鹿腸一名正馬一名咸一名端生河間川谷及冤句三月
四月採根暴乾

苦參味苦寒無毒主心腹結氣癥瘕積聚黃疸溺有餘瀝逐水

除癰腫補中明目止淚養肝胆氣安五臟定志益精利九竅除
伏熱腸澀止渴醒酒小便黃赤療惡瘡下部蠹瘡平胃氣令人
嗜食輕身一名水槐一名苦蕒一名地槐一名菟槐一名驢槐
一名白莖一名虎麻一名苓莖一名祿白一名陵郎生汝南山
谷及田野三月八月十月採根暴乾

石龍芮味苦平無毒主風寒濕痺心腹邪氣利關節止煩滿平
腎胃氣補陰氣不足失精莖令久服輕身明目不老令人皮膚
光澤有子一名魯果能一名地樵一名石能一名彭根一名天
豆生太山川澤石邊五月五日採子二月八月採皮陰乾
石韋味苦甘平無毒主勞熱邪氣五癰閉不通利小便水道止

煩下氣通膀胱滿補五勞安五臟去惡風益精氣一名石鞞一
名石皮用之去黃毛毛射入肺令人欬不可療生華陰山谷
上不聞水及人声者良二月採葉陰乾

狗脊味苦甘平微温無毒主腰背強閉機緩急周痺寒濕膝痛
頗利老人療失溺不節男子脚弱腰痛風邪淋露少氣目闇堅
脊利俛仰女子傷中閉節重一名百枝一名強脊一名扶蓋一
名扶筋生常山川谷二月八月採根暴乾

草薺味苦甘平無毒主腰背痛強骨節風寒濕周痺惡瘡不廖
熱氣傷中恚怒陰痿失溺閉節老血老人五緩一名赤節生真
定山谷二月八月採根暴乾



菝葜味甘平溫無毒主腰背寒痛風痺益血氣止小便利生山
野二月八月採根暴乾

通草味辛甘平無毒主去惡虫除脾胃寒熱通利九竅血脈開
節令人不忘療脾疸常欲眠心煩噦出音舌療耳聾散癰腫諸
結不消及金瘡惡瘡鼠瘻踈折鼈鼻息肉墮胎去三虫一名附

支一名丁翁生石城山谷及山陽正月採枝陰乾

瞿麥味苦辛寒無毒主閉格諸癰結小便不通出刺决癰腫明
目去醫破胎墮子下閉血養腎氣逐膀胱邪逆止霍亂長毛髮
一名巨句麥一名大菊一名大蘭生太山川谷立秋採實陰乾
敗醬味苦鹹平微寒無毒主暴熱火瘡赤氣疥癩疽痔馬鞍熱

氣除癰腫浮腫結熱風痺不足產後腹痛一名鹿腸一名鹿首
一名馬草一名澤敗生江夏川谷八月採根暴乾

白芷味辛溫無毒主女人漏下赤白血閉陰腫寒熱風頭侵目
淚出長肌膚潤澤可作面脂療風邪久渴吐嘔兩脇滿風痛頭
眩目癢可作膏藥面脂潤顏色一名芳香一名白蒞一名藹一
名莞一名苻離一名澤芬葉名藹麻可作浴湯生河東川谷下
澤二月八月採根暴乾

杜蘅味辛溫無毒主風寒欬逆香人衣體生山谷三月三日採
根熟洗暴乾

紫草味苦寒無毒主心腹邪氣五疳補中益氣利九竅通水道



療腹腫脹滿痛以合膏療小兒瘡及面皴一名紫丹一名紫芙
生碭山山谷及楚地三月採根陰乾

紫菀味苦辛溫無毒主欬逆上氣胸中寒熱結氣去蠱毒瘰癧

安五臟療欬唾膿血止喘悸五勞體虛補不是小兒驚癇一名

紫菀一名青苑生房陵山谷及真定邯鄲二月三月採根陰乾

白蘼味苦鹹寒無毒主頭風黃疸欬逆淋瀝女子陰中腫痛濕

痺死肌不可屈伸起止行步療四肢不安時行腹中大熱飲水

欲走大呼小兒驚癇婦人產後餘痛生上谷川谷及寃句四月

五月採根陰乾

白薇味苦鹹平大寒無毒主暴中風身熱支滿忽忽不知人狂



惑邪氣寒熱痠疼溫瘧洗洗發作有時療傷中淋露下水氣利
陰氣益精一名白幕一名薇草一名春草一名骨美久服利人
生平原川谷三月三日採根陰乾

菟耳實味苦甘溫葉味苦辛微寒有小毒主風頭寒痛風濕周
痺四肢拘攣痛惡肉死肌膝痛溪毒久服益氣耳目聰明強志
輕身一名胡菟一名地葵一名施一名常思生安陸川谷及六
安田野實熟時採

茅根味甘寒無毒主勞傷虛羸補中益氣除瘀血血閉寒熱利
小便下五淋除客熱正腸胃止渴堅筋婦人崩中久服利人其
苗主下水一名蘭根一名茹根一名地營一名地筋一名蕪杜



生楚地山谷田野六月採根

百合味甘平無毒主邪氣腹脹心痛利大小便補中益氣除浮腫臚脹痞滿寒熱遍身疼痛及乳難喉痺腫止涕淚一名重箱一名重邁一名摩羅一名中逢花一名強瞿生荊州川谷二月八月採根暴乾

酸漿味酸平寒無毒主熱煩滿定志益氣利水道產難吞其實立產一名醋漿生荊楚川澤及人家田園中五月採陰乾

紫參味苦辛寒微寒無毒主心腹積聚寒熱邪氣通九竅利大小便療腸胃大投唾血衄血腸中聚血癰腫諸瘡止渴益精一名牡蒙一名眾戎一名童腸一名馬行生河西及冤句山谷三

月採根火炙使紫色

女萎味辛溫主風寒洒洒霍亂洩痢腸鳴遊氣上下熱常驚悸
寒熱百病出汗李氏本草云止下消食

淫羊藿味辛寒無毒主陰痿絕傷莖中痛利小便益氣力強志
堅筋骨消癩癰赤癰下部有瘡洗出虫丈夫久服令人無子一
名剛前生上郡陽山山谷

蠡實味甘平溫無毒主皮膚寒熱胃中熱氣風寒濕痺堅筋骨
令人嗜食止心煩滿利大小便長肌膚肥大久服輕身去積去
白虫療喉痺多服令人溲洩一名荔實一名劇草一名三堅一
名豕首生河東川谷五月採實陰乾



草部中品之下 三十九味

款冬 牡丹 防己 女苑 澤蘭 地榆 王孫

爵牀 白前 百部 王瓜 薺薹 高良姜 馬先蒿

蜀堇 積蠶 惡實根 莎草根名香 大小薊 垣衣

艾葉 水萍 海藻 昆布 葶草 陟釐 井中苔附

薺草 鳧葵 菟葵 鱧腸蓮子 蒟醬 百脉根 蘿摩子

白藥 懷香 鬱金 姜黃 阿魏

款冬味辛甘温無毒主欬逆上氣善喘喉痺諸驚癘寒熱邪氣
消渴喘息呼吸一名橐吾一名顛凍一名虎鬚一名菟奚一名
氏冬生常山山谷及上党水傍十一月採花陰乾



牡丹味辛苦寒微寒無毒主寒熱中風痲痺瘧瘡驚癇邪氣除癥
堅瘀血留舍腸胃安五臟療癰瘡除時氣頭痛客熱五勞勞傷
頭腰痛風噤癩疾一名鹿韭一名鼠姑生巴郡山谷及漢中
月八月採根陰乾

防已味辛苦平溫無毒主風寒溫瘧熱氣諸癩除邪利大小便
療水腫風腫去膀胱熱傷寒寒熱邪氣中風手脚攣急止洩散
癰腫惡結諸蝸疥癬虫瘡通腠理利九竅一名解離文如車輻
理解者良生漢中川谷二月八月採根陰乾
女菀味辛溫無毒主風寒洗洗霍亂洩痢腸鳴上下無常處驚
癇寒熱百疾療肺傷欬逆出汗久寒在膀胱支滿飲酒夜食發

病一名白菀一名織女菀一名茹生漢中川谷或山陽正月

月採陰乾

澤蘭味苦甘微温無毒主乳婦內衄中風餘疾大腹水腫身面

四肢浮腫骨節中水金瘡癰腫瘡膿產後金瘡內塞一名虎蘭

一名龍枣一名虎蒲生汝南諸大澤傍三月三日採陰乾

地榆味苦甘酸微寒無毒主婦人乳痃痛七傷帶下十二病止

痛除惡肉止汗療金瘡止膿血諸瘦惡瘡熱瘡消酒除消渴補

絕傷產後內塞可作金瘡膏生桐柏及寃句山谷二月採根乾

王孫味苦平無毒主五臟邪氣寒濕痺四肢疼酸膝冷痛療百

病益氣吳名白功草楚名王孫齊名長孫一名黃孫一名黃昏



一名海孫一名蔓延生海西川谷及汝南城郭垣下

爵牀味鹹寒無毒主腰疼痛不得著牀俛仰艱難除熱可作

湯生漢中川谷及田野

白前味甘微溫無毒主胸脇逆氣欬嗽上氣

百部根微溫有小毒主欬嗽上氣

王瓜味苦寒無毒主消渴內痺瘀血月閉寒熱酸疼益氣慙聾

療諸邪氣熱結鼠消散癰腫留血婦人帶下不通下乳皆止小

便數不禁逐四肢骨節中水療馬骨刺人瘡一名土瓜生魯地

平澤田野及人家垣墻間三月採根陰乾

薺萇味甘寒無毒主有百藥毒



高良姜大温無毒主暴令胃中冷逆霍亂腹痛

馬先蒿味苦平無毒主寒熱鬼疰中風濕痺女子帶下病無

一名馬屎蒿生南陽川澤

蜀羊泉味苦微寒無毒主頭禿惡瘡熱氣疥癩癬虫療齩齒

女子陰中内傷及間實積一名羊泉一名羊飴生蜀郡川谷

霍雪草味苦寒無毒主大熱惡瘡癰疽浸淫赤皴皮粗赤身熱

生荊州川谷

惡實味辛平無毒主明目補中除風傷根莖療傷寒寒熱汗出

中風面腫消渴熱中逐水久服輕身耐老生魯山平澤

莎草根味甘微寒無毒主除胸中熱充皮毛久服令人益氣長

鬚眉一名滿一名候莎其實名緹生田野二月八月採

大小薊根味甘溫主養精保血大薊主女子赤白沃安胎止吐

血衄鼻令人肥健五月採

垣衣味酸無毒主黃疸心煩欬逆血氣暴熱在腸胃金瘡肉寒

久服補中益氣長肌好顏色一名昔邪一名烏韭一名垣羸一

名天韭一名鼠韭生古垣墻陰或屋上三月三日採陰乾

艾葉味苦微溫無毒主灸百病可作煎止下痢吐血下部蠱瘡

婦人漏血利陰氣生肌肉辟風寒使人有子一名水臺一名醫

草生田野三月三日採暴乾作下勿令見風

水萍味辛酸寒無毒主暴熱身癢下水氣勝酒長鬚結止消渴



下氣以沐浴生毛髮久服輕身一名水花一名水白一名水
生雷澤池澤三月採暴乾

海藻味苦鹹寒無毒主瘰癧氣頸下核破散結熱癰腫癥瘕
氣腹中上下鳴下十二水腫療皮間積聚暴癩留氣熱結利小
便一名落首一名薄生東海池澤七月七日採暴乾

昆布味鹹寒無毒主十二種水腫瘰癧聚結氣癭瘡生東海

荳草味鹹微寒無毒主消渴去熱明目益氣一名鴻藹如馬蓼
而大生水傍五月採實

陟釐味甘大溫無毒主心腹大寒溫中消穀強胃氣止洩痢生

江南池澤

一

卷二

早



井中苔及萍大寒主漆瘡熱瘡水腫井中藍殺野葛巴豆諸毒
薺草味甘寒無毒主暴熱喘息小兒丹腫一名薺榮生水傍
鳧葵味甘冷無毒主消渴去熱淋利小便生水中卽蒼菜也
名接余五月採

菟葵味甘寒無毒主下諸石五淋止虎蛇毒

鱧腸味甘酸平無毒主血痢針炙瘡發洪血不可止者傅之立
已汁塗髮眉生速而繁生下濕地

蒟醬味辛溫無毒主下氣溫中破痰積生巴蜀

百脉根味甘苦微寒無毒主下氣止渴去熱除虛勞補不足酒
浸若水煮丸散兼用之出肅州巴西

蘿摩子味甘辛溫無毒主虛勞葉食之功同於子陸機云一

茺蘭幽州謂之雀瓢

白藥味辛溫無毒主金瘡生肌出原州

藜香子味辛平無毒主諸瘦霍亂及蛇傷

鬱金味辛苦寒無毒主血積下氣生肌止血破惡血血淋尿血

金瘡

姜黃味辛苦大寒無毒主心腹結積疰忤下氣破血除風熱消

癰腫功力烈于鬱金

阿魏味辛平無毒主殺諸小虫去臭氣破癥積下惡氣除邪鬼

蠶毒生西番及崑崙

